

四庫全書

史部

欽定四庫全書

史部

御定資治通鑑綱目三編卷二十一

詳校官侍讀臣陳萬青

編修臣裴謙覆勘

總校官舉人臣章維桓

校對官中書臣江漣

謄錄監生臣秦沆

欽定四庫全書

御定資治通鑑綱目三編卷二十一

起乙丑明世宗嘉靖八年盡乙未明世宗嘉靖十四年凡七年

己未年春正月兵部尚書兼左都御史新建伯王守仁卒

自道學之名立
儒之好名者雖
日修談理道而
無裨實用者多
若王守仁之功
業表著原不係

守仁病篤乞骸骨舉隕陽巡撫林富自代不俟命免
職行至南安卒喪過江西軍民無不縞素哭送者桂
夢刻其遺像藏之守仁天娶吳興幼時謁上饒婁諒與講朱
子格物大旨還家日端坐讀五經亦泛濫二氏學數
年無所得及請龍場窮義無書居石櫛中日夜譯舊
聞忽悟格物致知當返諸心不安求諸事物喟然曰
道在是矣故其為教專以致良知為主從遊弟子甚

講學為重輕其
致良知之說益
由尋繹而得非
徒深索空虛者
比迫其後門徒
浸廣欲誇授受
之殊以致輾轉
滋紛漸生異說
遂招訾議之口
不當專歸咎師
傳也

衆最著者餘姚徐愛錢德
洪山陰王畿學者稱之
質實按王守仁集所載年譜守仁生于成化八

年九月三十日卒于嘉靖七年十一月二十九日年
五十七明實錄系之八年正月蓋赴告至京之月也
明史儒林傳婁諒字克貞其學以收放心為居敬之
門嘗言纔提起便是天理纔放下便是人欲魏校亟
稱之徐愛字曰仁守仁女弟夫錢德洪名寬以字行
王畿字汝中愛早卒德洪徹悟不如畿畿持循亦不
如德洪泰州王艮
則出入二氏矣

二月以吏部尚書桂萼兼武英殿大學士預機務

萼素與張璁比後二人皆用事積
不相下及同居政府遂至相失

河南襄陽大饑

巡按湖廣御史張祿繪圖以獻帝憫之詔有司亟振
時廣東僉事林希元上言救荒有二難曰得人難審
戶難有三便曰極貧便振米次貧便振錢稍貧便轉
貸有六急曰垂死急饘粥疾病急醫藥病起急湯米
既死急歛瘞遺棄孩穉急收養輕重繫囚急寬恤有
三權曰借官錢以糶糴興工作以助振借牛種以通
變有六禁曰禁侵漁禁攘盜禁遏糶禁抑價禁宰牛
禁度僧有三戒曰戒遲緩戒拘文戒遣使因輯為書
以工詔有司舉行是年正月振山西災九月免兩畿
河南被災稅糧賑江西湖廣饑十一月賑浙江災

質實

張祿平原人林希
元字懋貞晉江人

三月葬悼靈皇后於襖兒峪

質實

襖兒峪在昌平
州鹿馬山北

欽定四庫全書

御定資治通鑑綱目三編

二

夏六月前少師華蓋殿大學士楊廷和卒

廷和卒後帝問李時太倉所積幾何對曰可支數年由陛下初年詔書裁革冗員所致帝慨然曰此楊廷和功不可沒也隆慶初復官贈太保謚文忠廷和性沉靜詳審為文簡暢有法好考究掌故民瘼邊事及一切法家言鬱然負公輔望入閣後李東陽謂曰吾于文翰頗有一日之長若經濟事須歸介夫及武宗之終卒安社稷者廷和質實李時字宗力也人以東陽為知言
易任邱人

秋七月下刑部郎中魏應召于獄

京邸民張福訴里人張桂殺其母東廠以聞刑部坐桂死不服福姊亦泣訴官謂母福自裁之其鄰亦皆為桂聲冤詔郎中魏應召復按實如福姊言具有方驗乃改坐福東廠奏法司妄出人罪帝怒下應召獄都

御史熊浹執法如初帝愈怒褫浹職給事中陸聚劉希簡爭之帝大怒並下兩人獄侍郎許纘等遂抵柱死應召及鄰人皆遭戍杖福紳百人以為冤時帝方深疾孝武兩后家柱實武宗后家夏氏僕政帝必欲殺之質實魏應召吳縣人陸聚字子餘長洲人劉希簡漢州人許纘字廷美靈寶人吏部尚書進第也三子

發明

張福弑母以誣其里人雖其姊亦詣官泣訴與鄰人同出一詞夫何冤抑之有乃法官覆

奏左證皆符而嘉靖以張柱為夏口家奴遂援東廠之言為據必右福而致柱于死夫外戚之家果其恃勢恣行自當為之裁抑若緣風憾后家之故遽以偏聽斷斯疑獄廷臣舉不足信衆證舉不足憑竟致冤殺無辜而躬行弑母之人轉得顯逃大戮天討有罪之謂何君人者顧出此耶

八月張璠桂萼罷九月召璠還楊一清罷

先是璠萼既攻去費宏意一清必援已而一清請召謝璠璠萼心憾之璠未至璠已入內閣多所更建一清引故事稍裁抑之璠不平錦衣畢能運者故附璠議禮禮成不調怨璠計其私浙江指揮張浩事下內閣璠欲寘之死一清僅成璠怒上疏陰詆一清又畱黃綰排之甚力一清再疏引退徽及璠隱事帝手詔慰留因極言璠恃寵不讓良可歎息璠見帝怒暴其短頓愧沮銜一清愈甚及萼入內閣亦不相能給事中孫應奎乃請鑒別三臣賢否以定用舍其意特右璠而帝因其奏慰留一清戒諭璠萼然一清知璠萼終必傾已屢求退且言今持諭者尚紛更臣獨主安靜尚刻覈臣獨主寬平用是多齟齬願避賢者路賜骸骨歸帝不允頃之給事中王準劾璠萼引用私人時帝雖已厭萼顧眷璠不哀猶溫旨慰諭準同官陸

張聰桂等方以
遲私報復被劾

祭不勝憤上疏曰聰等兇險之資乖僻之學曩自
小臣贊大禮技置近侍不三四年位至宰弼恩隆寵
異振古未聞乃取罔上逞私專權招賄擅作威福報
復恩仇聰狠愎自用執物多私蕩外若寬迂中實深
刻伎忍之毒一發于心如蝮蛇猛獸犯者必死臣請
姑舉數端言之萼受尚書王瓊賂鉅萬連章力薦聰
從中主之遂得起用昌化伯邵杰本邵氏養子萼納
重賄竟使叔隸小人濫襲伯爵萼所厚醫官李夢鶴
假托進言黃緣受職居室相鄰中開便戶往來常與
萼家人吳從周等居間又引鄉人周時望為選郎交
通鬻爵時望既去胡森代之森與主事楊麟王澂又
輔臣鄉里親戚也銓司要地盡布私人典選僅踰年
引用鄉故不可悉數如致仕尚書劉麟其中表親也
侍郎嚴嵩其子之師也僉都御史李如圭由按察使
一轉徑入內臺南京太僕少卿夏尚樸由知府期月
遂得清卿禮部員外郎張敬假歷律而結知御史戴

充官而霍輜復
敢據臂肆言輒
以議禮同進為
辭欲與之俱去
是明知嘉靖回
護之隱而巧為
要挾其情殊不
可問且進退然
陟惟君所命乃
云張桂之行勢
且及我遂因而
攻訐一清其貪
詐奸險之情態
更無所不至當
時議禮諸臣結
為朋黨害政恣

金承風搏擊甘心鷹犬皆萑嫫黨相與朋比為奸者
也禮部尚書李時柔和尚善逢猾狡多智南京禮部尚
書黃綰曲學阿世虛談眩人諭德彭澤黃緣改秩躐
玷清華皆陰厚于璉而陽附于萑者也璉等威權既
盛黨與復多天下畏惡莫敢訖言不亟去之兇人之
性不移將來必為社稷患帝大感悟立罷璉等列其
罪狀詔廷臣以桀驁職糾彈不早發與萑所私李夢
鶴等俱下法司夢鶴等皆首服于是璉黨霍韜張璠
曰張桂行勢且及我矣遂上疏力攻一清為璉萑辨
雪謂陸燾之初實一清嫉之臣與璉萑皆以議禮進
璉萑去臣不得獨留帝心動即召璉還貶璉與史桀
驁丞而法司治萑私人獄猶不解韜揣帝意已變獄
可反攻一清益急誣法司承一清風指羅織成萑罪
帝果怒令法司會廷臣雜議出刑部尚書周倫于南
京以侍郎許纘代纘乃實輜言請削一清籍帝令一
清自陳璉故三上密書引一清贊禮功乞賜歸假實

行輻更小人之
尤耳

以堅帝意俾速去帝果允致仕尋法司言夢鶴等假
托行私與萼無與詔削夢鶴等籍從周論罪萼復散
官質實孫應奎字文宿洛陽人王準字子推世籍秦
府儀衛司按明史孫應奎傳嘉靖十一年大
計天下庶官王準摘富民典史應奎言都御史汪鉉
為璉萼修卻誣以不謹而黜之乞復準官吏部尚書
王瓊亦言準當黜乃謫應奎高平縣丞是謂王準以
大計謫與史不以劾璉萼也然攷王槩陸準合傳云
璉萼罷準亦下吏謫庶民典史稍遷知縣汪鉉希璉
指以考察罷之則準實以劾璉萼謫官至十一年又
以大計論黜孫應奎傳誤合為一事耳昌化伯邵喜
世宗大母邵太后弟世宗立封喜昌化伯明年卒子
蕙嗣五年卒無子族人爭嗣久不決尋以喜兄安之
孫杰嗣伯明倫大典成命郭勛頒賜戒旼不及杰杰
自請之帝詰勛勛錄邵是爭襲章奏許杰實他姓請
覆勘帝不聽尋革外戚世封奪襲周時望貴谿人胡

森湯谿人王激永嘉人劉麟字元瑞安仁人嚴嵩字惟中分宜人李如奎澧州人夏尚樸江西永豐人彭澤南海人與蘭州彭襄毅同姓名初為吏部尚書以浮躁被斥張璁言澤勸臣進大禮或問致招衆忌今諸臣去澤將以火去臣等澤乃復留

冬十月癸亥朔日有食之戊刑部員外郎邵經邦于邊

衛

經邦疏言茲者正陽之月有日食之異質諸小雅十月之篇變象懸符說詩者謂陰壯之甚由不用善人而其咎專歸皇父然則今之調和變理者得無有皇父其人乎邇陛下納陸象言命張璁桂萼致仕尋以璁議禮功復召輔政人言藉藉陛下莫之恤也乃天變若此安可勿畏夫議禮與臨政不同議禮貴當臨

政貴公正皇考之徽稱以明父子之倫禮之當也雖
排衆議任獨見而不以為偏若夫用人行政則當辨
別忠邪審量才力與天下之人共用之乃為公耳今
陛下以璫議禮有功不察其人不換其功而加之大
任似私議禮之臣也私議禮之臣是不以所議者為
公禮夫禮為至公乃可萬世不易設近于私則固可
守也亦可變也陛下果以尊親之典為至當而欲子
孫世世守之乎則莫若于諸臣之進退一付諸至公
優其賚予全其終始以答其議禮之功而博求海內
碩德重望之賢以弼成正大光明之業則人心定天
道順俾萬年之後廟號世宗子孫百世不遷顧不偉
與如徒加以三公之任使之履盈蹈滿犯天人之怒
亦非璫等福也帝大怒立下鎮撫司拷訊獄上請送
法司擬罪帝曰此非常犯不必下法司遂請戍福建
鎮海衛實
鎮海衛明置今省故城在漳州府漳
浦縣東北卻經邦字仲德仁和人

除外戚世封著為令

時安昌伯錢維圻卒庶兄維垣請嗣爵吏部尚書方獻夫言外戚之封不當世及歷引漢唐宋事以證帝善其言下廷臣議由

質實

安昌伯錢承宗睿皇后弟鍾孫成化十五年封弘治

二年予世襲子維圻嘉靖五年襲封

十一月復召桂萼入閣

張璁既召還儒士蔡圻知帝必復用萼疏頌萼功請召之帝乃賜敕令撫按趣上道未至國子生錢潮等復請趣萼帝怒曰大臣進退么麼敢與聞耶並圻下吏明年四月萼還朝盡復所奪官仍參機務

庚寅九年春三月皇后親蠶于北郊

都給事中夏言疏請皇后親蠶以為古者天子親耕南郊皇后親蠶北郊禮本並行不宜偏廢帝召禮官詳考古制以聞大學士張璁等因請于安定門外建先蠶壇詹事霍輶以道遠爭之戶部亦言安定門外近西之地水源不通無浴蠶所皇城之內苑中有太液瓊島之水考唐制在苑中宋亦于宮中宜倣行之帝謂唐人因陋就安不可法禮部議龍鳳輦自元武門出衛軍五千人圍壇所五千人護行陳儀甚疎明年以北郊出入未便改築先質實此郊在安定門外之農壇于西苑後罷不行質實北西苑先蠶壇在仁壽宮側明史禮志先蠶壇方二丈六尺疊二級高二丈六寸四出陞東西北俱樹桑柘內設蠶宮令署採桑臺高一尺四寸方十倍三出陞鑾駕庫五間後蓋織堂牆圍方八十丈皇后親蠶儀蠶將生欽天監擇

吉已自以聞順天府具蠶母名數送北郊工部以鉤箔筐架諸器物給蠶母順天府以蠶種及鉤箔筐一進呈內官捧出還授之出元武右門置珠輿中鼓樂送至蠶室蠶母受蠶種浴飼以待命婦文四品武三品以上俱陪祀攜一侍女執鉤箔筐皇后齋三日內執事並司蠶六尚等女官及應入壇者齋一日先一日太常寺具祝版祭物羊豕蓬豆各六及黑帛送蠶官令是日分授執事女官日未明宿衛陳兵備女樂司設監備儀仗及重翟車俱候元武門外將明內侍詣坤寧宮奏請皇后服常服導引女官導皇后出宮門乘肩輿至元武門內侍奏請降輿升重翟車兵衛儀仗及女樂前導出北安門障以行帷至壇內遣東門內侍奏請降車乘肩輿與兵衛儀仗傳東門內皇后入具服殿易禮服出至壇司贊奏就位賓主內外命婦各就拜位祭先蠶行三獻禮女官執事如儀迎神四拜賜福胙二拜送神四拜凡拜跪興公主內外命婦皆

同禮畢皇后還具服殿更常服司賓引外命婦先詣
採桑壇東陞下南北向尚儀奏請皇后詣採桑位東
向公主以下位皇后位東亦南北向執鉤者跪進鉤
執筐者跪奉筐受桑皇后採桑三條還至壇南儀門
坐觀命婦採桑三公命婦採五條列侯九卿命婦採
九條訖各授女侍司賓引內命婦一人詣蠶室尚功
率執鉤筐者從尚功以桑授蠶母蠶母受桑縷切之
以授內命婦內命食蠶灑一箔訖還尚儀奏禮畢皇
后還坐具服殿司賓率蠶母等叩頭訖司贊唱班齊
外命婦序立定尚儀致辭云親蠶既成禮當慶賀四
拜畢賜宴命婦並賜蠶母酒食公主及內命婦于殿
內外命婦文武二品以上于臺上三品以下于丹墀
尚食進膳教坊司女樂奏樂宴畢公主以下各就
班四拜禮畢皇后還宮導從如前四月蠶事告成行
治繭禮選蠶婦中善繅絲及職者各一人卜日皇后
出宮導從如常儀至織堂內命婦一人行三盆手禮

布于織婦以終其事蠶宮令送尚衣織染監局造祭服其祀先蠶止用樂不用舞樂女生冠服俱用黑既而行禮于內苑帝謂親耕無賀此安得賀第行叩頭禮女樂第供宴勿前導

夏四月前華蓋殿大學士楊一清卒

一清故與太監張永善至是永家奴許永曾盜庫金及段永弟容多以饋一清求作墓誌詔法司推問張應從主之坐一清受賂奪職一清大恨曰老矣乃為孺子所賣疽發背卒遺疏言身被污戮死且不瞑帝令釋賊事不問後數年復故官久之贈太保謚文襄一清博學善推變尤曉暢邊事羽書旁午一夕占十疏悉中機宜晚為璵璠所軋不獲以恩禮終然其才一時無兩或比之姚崇云

五月作四郊

合祀天地起于
鄭氏錯解帝嘗
之文後世遂沿
其誤實則禮經
所載制度釐然
嘉靖因夏言建
議而分建兩郊
洵能折衷于古
霍韜不知考據
乃以王莽偽書
詆之抑知秦壇
泰折見于禮記
固不獨周官斷
簡可憑輒說實
為踈陋至于羣
臣集議又復聚

帝既定明倫大典益單思制作之事郊廟百神咸
斟酌古法釐正舊章乃問大學士張璁書稱燔柴祭
天又曰類於上帝孝經曰郊祀后稷以配天宗祀文
王於明堂以配上帝以形體主宰之異言也朱子謂
祭之於壇謂之天祭之屋下謂之帝今大祀有殿是
屋下之祭帝耳未見有祭天之禮也況上帝皇地祇
合祭一處亦非專祭上帝南北分郊庶俾古制又曰
月照臨其功甚大歲一從祀義所不安當並建東西
郊與南北郊而四聰以祖制既定不敢決帝親欲定
郊制卜之奉先殿太祖前不吉乃問大學士崔璠璠
具述因革以對復問禮部尚書李時時請少需曰月
博選儒臣議復古制帝復卜之太祖不吉議且寢會
夏言請舉親蠶禮帝以古者天子親耕南郊皇后親
蠶北郊適與所議郊祀相表裏因今聰諭言陳郊議
言乃上疏言國家合祀天地及太祖太宗之並配諸
壇之從祀舉行不於長至而於孟春俱不應古典宜

訟紛紜甚至中立依違漫無定見豈所以贊襄大典乎獨是王宮夜明視天地自宜從緩而亦並號四郊其稱名寃為非典且既立太社太稷又因祭法王社之名別立帝社亦不免繁瀆不經嘉靖第知銳于改制而不為酌古今以觀會通亦未得謂之

令羣臣博考詩書禮經所載郊祀之文及漢宋諸儒之定論以及太祖國初分祀之舊制陛下稱制而裁定之此中興大業也禮科給事中王汝梅等誠言說非是帝切責之乃教禮部令羣臣各陳所見且言汝梅等舉名誥中郊用二牛謂明言合祭天地夫用二牛者一帝一配位非天地各一牛也又或謂天地合祀乃人子事父母之道擬之夫婦同牢此等言論褻慢已甚又或謂郊為祀天社稷為祭地古無此郊夫社乃祭五土之祇猶言五方帝耳非皇帝祇也社之名不同自天子以下皆得隨所在而祭之故禮有親地之說非謂祭社即方澤祭地也總因錄上郊祀考議一冊時詹事霍韜深非郊議且言分祀之說惟見周禮莽賊偽書不足引據於是言復上疏曰周禮一書於祭祀為詳大宗伯以祀天神則有種祀實柴禋燎之禮以祀地祇則有血祭醴沈醠辜之禮大司樂冬至日地上圜丘之制則曰禮天神夏至日澤中方

丘之制則曰禮地祇天地方祀從來久矣今議者既以大社為祭地則南郊自不當祭皇地祇何又以分祭為不可也合祭之說實自莽始漢之前皆主分祭而漢之後亦間有之宋元豐一議元祐再議紹聖三議皆主合祭而卒不可移者以郊祭之費每傾府藏故省約安簡便耳亦未嘗以分祭為非禮也今之議者往往以太祖之制為嫌為懼然知合祭乃太祖之定制為不可改而不知分祭固太祖之初制為可復知大祝文乃太祖之明訓為不可背而不知存心錄固太祖之著典為可遵且皆太祖之制也從其禮之是者而已敬天法祖無二道也周禮一書朱子以為周公輔導成王垂法後世用意最深切何可誣以莽之偽為邪且合祭以後配帝實自莽始莽既偽為是書何不削去圜丘方丘之制天神地祇之祭而自為一說耶於是禮部集上羣臣所議郊禮奏曰主分祭者都御史汪鏞等八十二人主分祭而以慎重成憲

及時未可為言者大學士張璠等八十四人主分祭而以山川壇為方丘者尚書李瓚等二十六人主合祭而不可以分祭為非者尚書方獻夫等二百六人無可否者英國公張崧等一百九十八人臣等祇奉教諭折衷衆論分祀之義合於古禮但壇壝一建工役浩繁禮屋祭曰帝夫既稱昊天上帝則當屋祭宜仍於大祀殿專祀上帝改山川壇為地壇以專祀皇地祇既無創建之勞行禮亦便帝復諭當遵皇祖舊制露祭於壇分南北郊以二至日行事言乃奏曰南郊合祀循襲已久朱子所謂千五百年無人整理而陛下獨破千古之謬一旦舉行誠可謂建諸天地而不悖者也已而令戶禮工三部倚言等詣南郊相擇禮臣欲於具服殿少南為圜丘言復奏曰圜丘祀天宜即高敞以展對越之敬大祀殿享帝宜即清闕以盡昭事之誠二祭時義不同則壇殿相去亦宜有所區別乞於具服殿稍南為大祀殿而圜丘更移於前

體勢峻極可與大祀殿等制曰可於是分建園丘方
丘於南北郊以二至日祭建朝日夕月壇於東西郊
以春秋分祭而天地分祀之制遂定時言以郊祀既
正配位亦當更議乃上疏言太祖太宗並配父子同
列稽之經旨未能無疑臣謂周人郊祀后稷以配天
我太祖足當之宗祀文王於明堂以配上帝我太宗
足當之禮臣集議謂洪熙以來二祖配享百有餘年
不宜一旦輕改帝降教諭欲於二至司奉太祖配南
北郊孟春祈穀奉太宗配上帝於大祀殿閣臣以二
祖分配於義未協寢其議言再疏乞依前教旨章下
禮部皆曰大祀殿乃太祖所創若不得侑享其中恐
太宗未安請祀南北郊以太祖獨配大祀殿仍並配
如故遂依擬行帝又議建雪壇於孟夏行大雪禮議
太社太稷以向龍后稷配議祀帝社帝稷於西苑議
祀高禩之神於皇城東雖皆
命下禮官多以獨斷決之
質實
大雩明初凡水旱
災傷及非常變異

或躬禱或露告於宮中或遣官祭告郊廟陵寢及社稷山川無常儀至是從夏言請建崇雪壇於圜丘壇外泰元門之東為制一成歲早則禱奉太祖配帝社帝稷始名西苑土穀壇帝謂土穀壇亦社稷耳何以別於太社稷采帝藉之義改為帝社帝稷以上戊明司祭後改次戊戌次戊戌在望後則仍用上巳春告秋報為定制隆慶元年罷之高禩青州儒生李時颺請祠高禩以禱聖嗣禮官覆以開帝曰高禩雖古禮今實難行遂寢其議已而定祀高禩禮設木臺於皇城東永安門北震方臺上奉皇天上帝南向辟犢蒼璧獻皇帝配西向牛羊豕各一高禩在壇下西向牲數如之禮三獻皇帝位壇下北向后妃位南數十丈外北向用惟壇下陳弓矢弓韞如后妃嬪之數祭畢女官導后妃嬪至高禩前跪取弓矢授后妃嬪后妃嬪受而納於弓韞王汝梅字濟元華陽人張崙英國公懋之孫

秋七月下兵部主事趙時春于獄

時畿內河南湖廣山東山西悉災歲大饑帝方詔羣臣修省而希奇者詭言祥瑞廷臣稱賀時春乃上疏言陛下以災變求言已旬月大小臣工率浮詞面諛蓋自靈寶知縣言河清受賞都御史汪鏐繼進甘露今副都御史徐瓚訓導范仲斌進瑞麥指揮張揖進嘉禾鏐及御史楊東又進鹽華禮部尚書李時再請表賀仲斌等不足道鏐瓚司風紀時典三禮乃罔上欺君壞風傷政帝責其妄言且令獻諫言善策時春惶恐引咎未對帝趣之於是時春上言當今之務最大者有四最急者有三最大者曰崇治本君之喜怒賞罰所自出勿以逆心事為可怒則賞罰大公而天下治曰信號令無信一人之言必參諸公論毋徂一時之近必稽之永遠苟利十而害一則利不必興功百而費半則功不必舉如是而天下享安靜之福矣

曰廣延訪宜做古人輪對及我朝宣召之制使大臣
臺諫侍從各得敷納殿陛間羣吏則以其職事台問
之曰勵廉耻大臣宜待以禮取大節畧小過臺諫言
是者用之非者寬容之庶臣工自愛不敢不勵其最
急者曰惜人才凡得罪諸臣其才不當棄其過或可
原宜需然發命台還故秩且因南郊禮成除謫戎之
罪與之更始曰固邊圉敗軍之律宜嚴臨陣而退者
禪將得以戮士卒大將得以戮裨將總制官得以戮
大將則人心震悚而所向用命曰正治教請復古
矯喪祭之禮絕醮祭禱祀之術凡佛老之徒有假引
符籙依托經懺幻化黃白飛昇遐景以冒寵祿者即
賜達斥則正道修明而民志定帝覽之益怒下詔獄
掠治黜
為民
質實
趙時春字景仁平涼人徐
贊永康人楊東當塗人

冬十一月更定孔廟祀典尊孔子曰至聖先師

張璠言先師祀典有當更正者叔梁紇乃孔子之父
顏路曾皙孔鯉乃顏曾子思之父三人配享廟庭紇
及諸父從祀兩廡原聖賢之心豈安請於大成殿後
別立室祀叔梁紇而以顏路曾皙孔鯉配之帝以為
然因言聖人尊天與尊親同今遵豆十二牲用犢全
用祀天儀亦非正禮其謚號章服悉宜改正命禮部
會翰林諸臣議編修徐階以為不可改帝怒謫階官
乃御製正孔子祀典說宣付史館張璠因作正孔子
廟祀典或問奏之帝以為議詳正并令禮部集議
御史黎貫等言太祖初正祀典天下獄清諸神皆去
其號惟先師孔子如故良有深意陛下疑孔子之祀
上擬祀天之禮夫子之不可及也猶天之不可階而
升雖擬諸天亦不為過自唐尊孔子為文宣王已用
天子禮樂宋儒皆無異詞其辨孔子不當稱王者止
元吳澄一人而已伏望博考羣言務求至當時貫疏
中言其尊於天地亦莫尊於父師陛下敬天尊親不

應獨疑孔子王號為僭帝因大怒疑貫借此以斥其
追尊皇考之非祇為奸惡不法司會訊褫其職給事
中王汝梅等亦極言不宜去王號帝皆斥為謬論於
是禮部會諸臣議人以聖人為至聖人以孔子為至
宋真宗稱孔子為至聖其意已備今宜於孔子神位
題至聖先師孔子去其王號及大成文宣之稱改大
成殿為先師廟大成門為廟門其四配稱復聖顏子
宗聖曾子述聖子思子亞聖孟子十哲以下凡及門
弟子皆稱先賢某子左邱明以下皆稱先儒某子不
復稱公侯伯遵太祖前定南京國子監規制製木為
神主其塑像即令屏撤春秋祭祀遵國初舊制十簋
十豆天下各學八遵八豆樂舞止六佾至從祀之賢
不可不考其得失申黨即申振鐙未其一公伯察泰
冉顏何苟況戴聖劉向賈逵馬融何休王肅王弼杜
預吳澄罷祀林放蒧瑗盧植鄭衆鄭元服虔范甯各
祀於其鄉后蒼王通歐陽修胡瑗宜增入命悉如議

從行祀凡九十一人而陸九淵從祀帝亦從之於時兩
秋祭祀與文廟**質實**禮志洪武時宋濂請去像設主
同日遂為定制
禮儀樂章多所更定太祖不允張瑄之改用木主蓋
本源說其去留從祀諸賢多用弘治元年程敏政張
九功議按敏政疏云馬融初應鄧騭之召為秘書郎
官南郡太守以貪濁免官髡徙朔方自判不殊又不
拘儒者之節前授生徒後列女樂為梁冀草奏殺忠
臣李固作西第頌以美冀為正直所羞即是觀之則
衆醜備於一身五經為之掃地後世乃以其空言目
為經師使侑坐於孔子之庭不知其何說也劉向初
以獻賦進喜誦神仙方術嘗上言黃金可成鑄作不
驗下吏當死其兄陽城侯救之獲免所著洪範五行
傳最為舛駁使箕子經世之微言流為陰陽術家之
小技賈逵以獻頌為郎不修小節附會圖讖以至貴

顯蓋左道亂政之人也王弼與何宴倡為清談所注
易傳祖莊而范甯追究晉室之亂以為王何之罪深
於桀紂何休則止有春秋解詁一書黜周王魯又注
風角等書班之孝經論語孟異端邪說之流也戴聖
為九江太守治行多不法懼何武劾之而自免後為
博士毀武於朝及子賓客為盜繫獄而武平心決之
得不死則又造謝不慙先儒謂聖禮家之宗而身為
賊吏子為盜徒可為世鑒王肅在魏以女適司馬昭
當是時昭篡魏之勢已成肅為世臣封蘭陵侯官至
中領軍乃坐觀成敗又母邱儉文欽起兵討賊肅又
為司馬師畫策以濟其惡若好人佞己乃其過之小
者杜預所著亦止有左氏經傳集解其大節益無可
稱如守襄陽則數饋遺洛中要人曰懼其為害耳非
以求益也伐吳之際因所廢之機盡殺江陵之人以
吏則不廉以將則不義凡此諸人其於名教得罪非
小他如鄭衆盧植鄭元服虔范甯五人其所行亦未

能以窺聖門所著亦未能以發聖學若五人者得預
從祀則漢唐以來常預者尚多乞將戴聖劉向賈逵
馬融何休王肅王弼杜預八人祇爵罷祀鄭衆盧植
鄭元服虔范甯五人各祀於其鄉后蒼在漢初說禮
數萬言號后氏曲臺記載聖等皆受其業蓋今禮記
之書非后氏則不復傳於後矣乞加封爵與左邱明
等一體從祀至孔子弟子見於家語自顏回而下七
十六人家語之書出於孔氏當得其實而司馬遷史
記所載多公伯察秦冉顏何多人文翁成都廟壁所
畫又多蘧瑗林放申振三人考宋邢昺論語注疏申
振孔子弟子在家語作申續史記作申黨其實一人
也今廟廷從祀申振封文登侯在東廡申黨封淄川
侯在西廡重複無稽一至於此且公伯察愬子路以
沮孔子乃聖門之蟲豸而孔子稱瑗為夫子決非及
門之士林放雖當問禮然家語史記邢昺注疏朱子
集注俱不載諸弟子之列秦冉顏何疑亦為字畫相

近之誤如申振申黨者但不可考耳竊以為申振申
黨位號宜存其一公伯察秦冉顏何蘧瑗林放五人
既不可載於家語七十子之數宜罷其祀若瑗放二
人不可無祀則乞祀瑗於衛祀放於魯或附祭於本
鄉賢祠仍其舊爵以見優崇賢者之意又唐儒王通
宋儒胡瑗兩人之師道百世如新並祀學官最得禮
意張九功則謂荀況馬融王弼楊雄皆所當黜禮官
周洪謀等言揚雄已黜於洪武時餘皆有羽翼經傳
之功宜仍舊從祀而止至是璉竟採其說以更定祀
典其進歐陽修則以濮議故也叔梁紇本祀殿西璉
謬謂兩廡以聳帝聽其建廟雖當亦緣附會獻皇廟
而行之也兩廡從祀九十一人先賢則澹臺滅明宓
不齊原憲公冶長南宮适高柴漆雕開樊須司馬耕
公西赤有若琴張申振陳亢巫馬施梁鱣公皙哀商
瞿冉孺顏辛伯虔曹恤冉季公孫龍漆雕哆秦商漆
雕徒父顏高商澤壤駟赤任不齊石作蜀公良孺公

夏首公肩定后處鄒單奚容蒧罕父黑顏祖榮折秦
祖左人鄧句井鍾邠國公祖句茲原元縣成廉潔燕
仍叔仲喻顏之僕邠葵樂咳公西與如狄黑孔忠公
西蒧步叔乘施之常秦非顏喻六十二人先儒則左
邱明公阜高穀梁赤伏勝高堂生孔安國毛萇董仲
舒后蒼壯子春王通韓愈胡瑗周敦頤程顥歐陽修
邵雍張載司馬光程頤楊時胡安國朱熹張拭陸九
淵呂祖謙蔡沈真德秀許衡二十九人啓聖公祠中
奉聖父叔梁紇題啓聖公孔氏神位以顏無繇曾點
孔鯉孟孫氏配俱稱先賢某氏從祀以程昞朱松蔡
元定俱稱先孺某氏黎貫字一
卿從化人薛侃字尚謙揭陽人

發明

自唐以後如孔子號為文宣王蓋亦不免史
遷作世家之見張璁諸更正祀典改稱至聖

先師其議頗當乃黎貫輩袒於聞見猶引祖制相
爭豈知孔子以布衣為萬世師欲尊孔子固不繫

王號之追崇璉以議禮見罷恣睢政府伐異黨同
為世所詬病其人固不足取若更定孔廟祀典之
議史冊具在又豈
可以人廢言哉

始祀昊天上帝于南郊

禮成大
赦天下

辛卯 十年春正月祈穀于大祀殿

唐宋郊祀推恩
費至鉅萬已為
謬舉嘉靖方釐
定典章正宜復
古制以垂永久
乃禮成而普行
大赦復蹈矯誣
妄濫之失且從
此定為常例其
縱弛又何可深
言蓋是時嘉靖
怠氣漸生親郊

明初未行祈穀之典帝欲更定二祖分配禮因諸臣
固請乃許於大祀殿祈穀奉二祖配至是始以上辛
日舉行禮畢帝心終以為未當諭張璉曰自古惟以
祖配天今二祖並配決不可法後世嗣後大報與祈
穀但奉太祖配尋親製祝文更定儀注改用驚蟄為
禮視大祀少殺帛減十之一不設從壇不燔柴著為

已成僅事遂不免粉飾誇張未幾而祈穀之典且移于大內以道流祈禋之所而上辛行事尤為簡瀆不經其于考禮之初衷又何大相刺謬乎

定典

更定廟祀遷德祖于祧廟

初太祖定廟祀孟春特享羣廟各南向三時祭於德祖廟序用昭穆後罷特享四孟歲暮俱以昭穆序北京既建廟制一如南京及憲宗升祔則德懿熙仁四祖太祖太宗及仁宣英三宗九室已備用禮官議懿祖孝武繼祔祧熙仁二祖獨德祖以始祖不祧每時享太祖位猶東向帝欲更定之乃先於九年春復行特享禮令祠官於殿內設帷幄如九廟位皆南向各奠獻如儀至是遂遷德祖主於祧廟奉太祖主於殿正中七宗以序進遷於是太祖始正南向位而德祖不復與時享矣

桂萼罷

等初銳意功名不恤物議性猜狠好排異已凌虐同官議禮議獄構害不下數十百人及再召還氣懾不敢復放恣居位數月屢引疾帝輒優旨慰留至是得請歸未數月卒

三月罷四川鎮守太監

帝習見正德時宦寺之禍即位後御近侍甚嚴有罪撻之至死或陳尸示戒鮑佐麥福黃錦輩雖由興邸舊人掌司禮監督東廠然皆謹飭不敢肆九年秋巡按御史毛鳳韶言雲南鎮守太監滋擾邊徼請勿設便報可及是四川撫按官劾鎮守太監滋通貪肆復撤還已又從都給事中張潤身言罷鎮守之在浙閩湖廣兩廣及獨石萬全永質實張潤身成安人寧者於時內臣之勢少殺云

夏四月禘于太廟

帝既正太祖位向欲復古禘祭侍讀學士夏言獻禘
議以為三代而下欲如虞夏之禘黃帝商周之禘帝
謦謦難考宜為虛位以祀庶曠典復行中允廖道
南上言皇姓為顓頊之裔宜禘顓頊帝命廷臣集議
咸謂稱虛位者茫無據據尊顓頊者世遠難稽廟制
既定高皇帝為始祖當禘德祖帝辛從言議乃於太
廟設虛位以禘皇初祖南向奉太祖配**質實**廖道南
西向行禮如南郊儀定以丙辛歲一行**質實**廖道南
蒲圻人

五月始祀皇地祇于方澤

六月雷震午門

閏六月前少傅武英殿大學士謝遷卒

年八十有三
太傅謚文正

秋七月遣侍郎葉相振陝西饑

發帑金三十萬令相往振之既而相有疾帝召大學士翟鑾尚書李時書于西苑問誰可代相者時曰劉天和可鑾曰徐瓚可帝曰唐龍何如皆頓首曰善乃改龍兵部尚書兼副都御史總制三邊俾理振事

質實

劉天和字養和麻城人
唐龍字虞佐蘭溪人

張孚敬罷

孚敬即璉以犯帝嫌名請改帝手書賜之夏言恃帝眷數以事訐孚敬孚敬銜之曰夜謀搆陷會行人薛侃建議請留親藩賢者以遵祖制畧言祖宗分封子弟必留一人京師司香有事居守或代行祭饗列聖

相承莫之戎改至正德初逆瑾懷貳始令就封乞稽
舊典擇其賢者居京師慎選正人輔導以待他日皇
嗣之生此宗社大計屬稿定以示太常卿彭澤澤與
侃及夏言皆同年生而澤素附乎敬知乎敬方欲傾
言未得間因默計帝方祈嗣侃所言觸帝諱必與大
獄誣言同謀可禍也給侃藁示乎敬因報侃曰張公
善稱善此國家大事當從中贊之與為期趣之上乎
敬乃先錄侃藁以進謂出於言請勿先發以待疏至
帝許之侃猶豫澤頻趣之乃上帝果震怒下獄廷鞫
究文通主使者拷掠備至侃獨自承累日獄不具澤
挑使引言侃瞋目曰疏我自具趣我上者爾也爾謂
張少傳許助之言何豫給事中孫應奎曹汴揖乎敬
避乎敬怒應奎等疏聞詔竝下言應奎汴詔獄命郭
勛翟鑒及司禮中官會廷臣再鞫丹得其實帝乃釋
言等出乎敬密疏二示廷臣斥其忤罔命致仕侃質
為民澤戌大同澤在朝專為邪媚及敗天下快之質

實

曹汝巴
縣人

發明

張孚敬深伎夏言欲中傷之而未得間彭澤
甘心鷹犬揣知薛侃所陳必逢帝怒遂錄其

疏稿以示孚敬而外為給侃之辭內構誣言之獄
其為計亦巧矣夫孚敬詭謀傾陷罔屬老奸而澤之
殺人獨人居心尤不可問及至廷鞫事露雖以郭
勛素黨孚敬命之覆訊亦不能為之曲庇迨孚敬
罷而澤戎大同則害人者適以自
害小人險譎之技究何所施哉

八月升安陸州為承天府

先是尊崇禮定帝名獻皇帝陵曰顯陵錦衣百戶隨
金等詣遷顯陵北墓天壽山工部尚書趙璜力斥其
謬席書亦再集廷臣議已之至是光祿寺厨役王福
等復以為言而巡檢徐震奏於安陸建京師李時極

言不可事乃寢遜改州為質實顯陵在易州西鍾祥承天府設鍾祥縣為府治質實劉宋置長壽縣隋曰長壽明洪武初省入安陸州是年復制鍾祥縣今為安陸府治趙璜字廷實安福人

九月以禮部尚書李時兼文淵閣大學士預機務

自乎敬等與費宏楊一清相傾軋謹言不已乎敬罷翟鑒獨秉政者兩月時入兩人皆遜順無齟齬政府寧稍

帝幸西苑

先是西苑宮殿咸宴羣臣以落之及是帝御無逸殿召李時坐講無逸篇翟鑒講幽風七月詩武定侯郭勳及九卿翰林俱入侍講質實無逸殿幽風亭李默畢帝退御幽風亭賜宴質實遊西苑內記仁壽宮門

外西南數十步築神祇壇直東為帝社坊凡駕臨享特駐此坊東北為無逸殿殿南為幽風亭

以夏言為禮部尚書

時士大夫多惡張孚敬時言抗之言既以開敏結主知又折節下士大得聲譽朝廷制作一決於言至閣臣李時翟鑾取充位而已

冬十一月召張孚敬復入閣

孚敬還朝夏言益用事孚敬亦不能專恣如曩時矣

十二月戊監察御史喻希禮石金于邊衛

時方修醮祈嗣希禮言陛下祈嗣禮成瑞雪遂降臣以為招和致祥不盡於此往者大赦今歲免刑臣民

盡沾惠澤獨議禮議獄得罪諸臣遠戍邊徼乞量移
近地或特賜赦免和氣薰蒸前星自耀帝大怒曰謂
朕罪諸臣致遲嗣續耶所司參議以聞議未上金亦
言陛下下一日萬幾經理勞瘁何若中涵太虛物來順
應凡人才之用舍政事之數施始以九卿之詳度繼
以內閣之咨謀其弗協於中者付諸臺諫之公論陞
下恭點凝神挈其綱領使精神內蘊根本統周則百
斯男之慶自不期而至王守仁首平逆藩繼靖巨寇
乃因疑謗泯其前勞大禮大獄諸臣久膺流竄困鬱
既久物故已多望錄守仁功寬諸臣罪則太和之氣
塞宇宙間矣帝不悅曰金欲朕勿御萬幾即古奸臣
導其君不親政之意其并察奏夏言等言二人無他
賜帝益怒下二人詔獄而責言等陳質實喻希禮
狀伏罪乃宥之二人並謫戍邊衛

壬辰十一年春正月祈穀于圜丘命武定侯郭勛攝事

帝疾不能躬事乃命勳代給事中葉洪言祈穀大報
祀名不同郊天一也祖宗無不親郊成化弘治間或
有故寧展至三月蓋為郊祀禮重不宜攝以人臣請
俟聖躬痊改卜吉日行禮疏入不聽既而改行於大
內之元極寶殿不質實靖十年於西苑隙地立帝社
設配位遂為定制質實元極寶殿沈德符野獲編嘉
帝稷之壇蓋天子私社稷也此古史冊所未有自西
苑肇興桑建元極殿為拜天之所而君臣上下朝真
醮斗幾三十年與帝社
稷相終始葉洪餘桃人

夏四月復常遇春李文忠鄧愈湯和世爵

遇春後封懷遠侯文忠後封臨淮侯愈後封定遠侯
和後封靈璧侯於是開平岐陽寧河東甌四王復延
世緒尋又封劉基九質實按明史功臣表常遇春後
世孫瑜為誠意伯質實為八世孫元振李文忠後

為七世孫性節愈後為六世孫
繼坤湯和後為六世孫紹宗

五月以前吏部尚書方獻夫兼武英殿大學士預機務

先是獻夫為吏部尚書羽林指揮劉永昌屢劾大臣
獻夫請按治之母令奸人以蜚語中善類帝不從獻
夫遂求退帝亦不允頃之給事中薛甲言小人攻訐
之風一開則下凌上替不知所止願存廉遠堂高之
義章下吏部獻夫等議如甲言敕都察院嚴禁吏民
不得譸張亂政并飭兩京給事中御史及天下撫按
官論事先大體毋責小疵時帝方欲廣耳目周知百
僚情偽得獻夫疏不憚報罷於是給事中饒秀劾甲
阿附大臣纖尋臣口帝心善其言下吏部再議甲具
疏自明帝惡其不俟部奏命削二官出之外部謂甲
已處分不復更議帝責令置對傳獻夫俸一月即官
倍之獻夫不自得兩疏引疾帝即報允然猶虛位以

侯既而有詔召還獻夫潛入西樵以疾質實西樵山在廣州

因辭使命再至乃就道以故官入閣

秋八月彗星見東井

府南海縣西南薛甲
江陰人貌秀周始人
芒長丈餘掃太微垣及角宿天門凡一百十有五日
乃滅編修楊名應詔上言帝喜怒失中用舍不當語
切直帝銜之而答奇稱其納忠令無隱名乃復言吏
部諸曹之首尚書百官之表而汪鉉小人之尤也武
定侯郭勛奸回險譎太常卿陳道瀛金甌仁粗鄙酣
淫數人者羣情皆曰不當用而陛下用之是偏於喜
也諸臣建言觸忤者心實可原大學士李時以愛惜
人才為請即荷嘉納而吏部不為題覆以虛文塞責
夫此得罪諸臣羣情以為當宥而陛下不終宥是偏
于怒也真人邵元節猥以末術過蒙采聽嘗令設醮

內府且命左右大臣奔走供事遂至不肖之徒有昏
夜乞哀出其門者書之史冊後世其將謂何凡此皆
聖心之少有所偏者故臣敢抒其狂愚疏入帝震怒
即執下詔獄拷訊鉉疏辨謂名乃楊廷和鄉人妄思
報復故攻及臣臣為上簡用欲一振舉朝廷之法而
議者輒病臣操切且內閣大臣率務和同植黨固位
沽名敢欺肆至此帝深入其言益怒命所司窮詰主
使名數瀕於死無所承言曾以疏草示同年生程文德
乃并文德下獄侍郎黃宗明等疏救之先後皆下獄
法司再擬名罪皆不當上指特詔謫戍邊衛時南京
御史馮恩亦上疏以張孚敬為根本之彗汪鉉為心
腹之彗方獻夫為門庭之彗三彗不除庶政終不可
理帝得疏大怒逮下獄論死比朝甯鉉當主筆東向
坐恩獨向闕跪鉉令卒拽之向已恩起立不屈因與
鉉互相詬詈夏言等解之乃止及出士民觀者如堵
皆嘆曰是御史非但口如鐵其膝其膽其骨皆鐵也

因稱四鐵御史恩子行可年十三號呼乞救無敢言者久之乃刺臂血書疏自縛閣下請代父死詞極哀帝覽之惻然令法司質實晉書天文志東方角二星再議恩遂遣戍雷州質實為天關其間天門也其內天庭故黃道經其中七曜之所行也楊名字實卿遂寧人陳道瀛涑水人金贊仁大興人鄧元節貴溪人龍虎山上清宮道士程文德永康人馮恩字子仁松亭人子行可以孝行旌尋舉鄉薦

張孚敬罷

帝以星變心疑大臣擅政孚敬因求罷猶慰留之給事中趙良弼劾孚敬專橫竊威福致奸星示異亟宜罷黜孚敬疏辨言良弼以濫舉京營官奪俸由臣擬旨挾私報復於是給事中秦鰲劾孚敬強辨飾奸言官論列輒文致其罪擬旨不察引以自歸明示中外若天子權在其掌握帝是鰲言令孚敬自陳狀許之

致任李時請給廩隸牧書
質實魏良弼字師說新建人
不許再請乃得馳傳歸
秦鰲字子元崑山人

九月振陝西饑

時山西亦饑尋飭所司振之是年兩畿湖廣山東諸郡縣先後以灾告者並令蠲其稅糧

冬十一月巡撫四川都御史宋滄獻白兔羣臣表賀

帝好交飾太平而慧星連月不滅雖循故事教羣臣言時政然實不樂聞讜言楊名馮恩既以疏語切直下獄南京副都御史萬鏜復應詔陳事勸帝黜虛文崇實政帝大怒黜為民滄乃希旨獻白兔詭稱祥瑞帝喜羣臣表賀明年河南巡撫吳山又以白鹿獻自後諸瑞異踵至百僚表賀以為常

質實宋滄

鉅野人萬鏗字仕鳴
進賢人吳山吳縣人

癸巳十二年春正月張孚敬復入閣

帝復思孚敬遣鴻臚召還已而謬
復見畢昂問孚敬乞避位不許

質實

晉書天文志
畢八星主邊

兵主弋獵七星天之耳也主
西方主獄事昂畢間為天街

二月振雲南饑

是年遼東災亦命振之浙江河南
諸府縣以災告者並免其稅糧

三月帝詣國子監行釋奠禮

既釋奠進諸生橫經布講祭酒林文俊進講虞書益
稷篇司業馬汝驥講易願卦皆賜之坐講畢帝諭諸

生曰治平之道備在六經諸生宜講求力行以資治
化於是侍講廖道南獻臨雍崇教頌優詔褒答之質

實

林文俊字法英莆田人馬汝驥字仲房綏德州人

秋八月辛未朔日有食之

赦

以皇子生大赦天下惟大禮大獄得質實明史諸王

罪者及建言諸臣馮恩等皆不原

質實

傳哀冲太

子戴基世宗第一子閭貴妃生生二月而殤

冬十月大同兵亂殺總兵官李瑾

小王子也大同塞外瑾督後浚濠急役卒王福勝王保等數十人鼓噪焚殺瑾因焚巡撫潘倣署倣奏瑾

激變帝命劉源清同總兵卻永討之源清榜令解散而榜言五堡變處之過寬五堡遣孽大懼師次陽和倣與僉事孫允中督餉郎中詹榮等密捕亂卒杖死十餘人繫賊首王保等七十餘人今允中詣源清所獻之請旋師源清懲昔胡璘事不欲已以囚屬御史蘇祐因妄言前總兵朱振失職首亂且多引無辜源清遣叅將趙綱入城大索賊黨遂訛言城且屠復夜噪殺千戶張欽會元中自源清所至諭源清意撫慰之始定振前為亂卒所擁實不反詣源清自明不能白發憤自殺永兵圍城欲盡得亂卒遺孽遂迎戰殺遊擊曹安等數十人官軍益攻城晝夜圍擊亂卒出前叅將黃鎮等於獄奉為帥死守倣與鎮國將軍俊樞等登城止毋攻俊樞出見永請緩兵皆不聽允中繼城出言將士妄殺狀源清叱曰汝為賊遊說耶欲囚之允中不敢歸源清因多設邏卒過王府及有司章疏而請益師五萬帝命侍郎錢如京都督江桓統

京軍八千以往已忽悟罷弗遣專責源清永討賊倣
馳疏言將士妄殺激變連旋師亂可已源清亦詆倣
媚賊張孚敬及廷議皆右源清侍郎顧鼎臣黃綰言
用兵繆帝不能決城圍又大困毀王府及諸廨舍供
費兵部復下安撫令源清亦樹幟招降叛卒稍稍自
投首惡黃鎮等亦分司出見乞通撫探路永許諾翌
日採薪者出永悉執之城中益懼亂卒復叛勾韃靼
為助永遇之大敗而遁判卒遂引韃靼十餘騎入城
指代府曰以此為諾延居諾延者華言大人也城中
人聞之皆巷哭尋韃靼攻東南二關叛卒與犄角官
軍殊死戰互有殺傷韃靼知叛卒不足賴倒戈擊之
大詬而歸是時韃靼游騎南掠至朔應源清諸募九
邊兵增總制官禦之已得一意攻城帝不許源清乃
百道攻穴城為毒烟熏死者相藉復壅水灌之帝大
不憚奪其職閒住以兵部侍郎張璠代之璠未至詹
榮在城中密約都指揮紀振遊擊戴濂鎮撫王寧同

盟討賊察叛卒馬昇楊麟無逆志許宥其死俾自効
昇麟遂結心腹擒首惡黃鎮等九人戮之時巡撫樊
繼祖來代倣遂開城延繼祖入復捕斬二十六人亂
乃定及璣至麾兵退二舍鼓吹入城大集文武將吏
置酒高會賞有功而還已又命黃綰至大同勸功罪
有為亂卒通問鞭撻者綰執戮之亂卒復相煽綰大
集軍民曉以禍福雅害者陳牒綰伴不問而竄以牒
授給振官按里核實一日捕首惡數十人亂卒尚敢
殺一家三人懼不免鳴金倡亂無應者遂就擒綰復
圖形購首惡數人軍民乃不從虞註誤還朝上疏極
詆源清永給事中曾忭言宸濠亂源清有保障功當
蒙八議之貸帝怒下忭等詔獄逮源清治之獄久不
決綰憂去乃質實字仁甫山海衛籍龍溪人蘇祐濮
州人錢如京桐城人樊繼祖鄆城人張璣字廷獻滄
州人居京師曾忭泰和人代王明史諸王表代簡王

張延齡縱恣殺人罪固自取但嘉靖于昭聖太后不能無纖介猜嫌因欲釋憾于其兄弟實乖孝事之誠張孚敬再四執持立言頗為得體但孚敬性稱忤刻又善逢迎何獨于延齡持正保全或自揣為衆論所不予欲藉此以沽名末路否則素與延齡

七世孫為昭王元耀嘉靖九年襲封鎮國將軍俊樞昭王從父行也 諾延舊作那顏今改

下建昌侯張延齡于獄削昌國公張鶴齡

初正德時日者曹祖告其子鼎為延齡奴與延齡謀不軌武宗下之獄將集羣臣廷鞠之祖仰藥死時願以祖暴死疑延齡而獄無左證遂解揮司聰者為延齡行殘負其五百金索之急遂與天文生董杲子至謀訐祖前所首事脅延齡賄延齡執聰幽殺之令聰子昇焚其屍而折所負券昇喋不敢言常憤晉至至慮事發乃撫聰前奏上之帝以昭聖皇太后遇其母將太后無加禮方銜張氏得至奏欲坐以謀逆族其家昭聖太后窘迫無所出欲為請帝謝不見使人請不許張孚敬言延齡守財虜耳何能反若坐謀逆恐傷皇太后心帝手敕曰天下者高皇帝之天下孝宗皇帝守高皇帝法卿慮傷伯母心豈不慮傷高孝

兄弟交通假公
議以行私惠皆
未可知耳

二廟心邪乎敬復奏曰陛下嗣位時用臣言稱伯母
皇太后朝臣歸過陛下至今未已茲者大小臣工默
無一言誠幸太后不得令終以重陛下過耳夫叛逆
之罪獄成當坐族誅昭聖獨非張氏乎陛下何以處
此法司連延齡及諸叔雜治延齡嘗買沒官第宅造
園池僭侈踰制又以私憾殺婢事并發覺坐違制殺
人論死及明年秋盡慮囚帝又欲殺延齡乎敬復上
言皇太后春秋高粹閑廷齡死萬一不食有他故何
以慰敬皇帝在天之靈帝恚以危語怵乎敬曰自古
疆臣令主非一若今愛死囚令主主矣當悔不從楊廷
和事敬皇帝邪乎敬仍力爭以故終昭聖太后
世得長繫襁齡以延齡故削爵謫南京指揮

甲午 十三年春正月廢皇后張氏立妃方氏為皇后

先是帝仿古禮為九嬪之選方后册名德嬪與鄭氏
王氏閻氏韋氏沈氏盧氏沈氏杜氏同受册帝以其

行禮敬且升降有儀度悅之至是服后廢遂立為后而封沈氏為宸妃閭氏為麗妃副之舊制立后祇謁奉先殿帝謂天子立三宮以承宗廟禮經有廟見之文何以不謁廟下翰林禮部議僉謂謁廟是及期命武定侯郭勳為正使大學士張孚敬為副使持節冊立帝率后謁太廟及世廟越三日頒詔天下明日受命婦

質實

皇后方氏江寧人安平侯方銳女

夏四月削給事中張選籍

時帝久不親祀事時享皆遣郭勳攝選上言宗廟之祭惟誠與敬孔子曰吾不與祭如不祭傳曰神不歆非類孟春廟享違官暫攝中外臣心知非得已茲孟夏拾享倘更不親行則迹涉怠玩如或聖體初夏未任趨蹌宜明詔禮官先期告廟陛下亦宜靜處齋宮以通神貺帝大怒下之禮部尚書夏言等言代祭之

文載之周官語曰子之所慎齋戰疾疾當慎無異於祭選言非是但小臣無知惟陛下曲赦帝愈怒責言等黨比命執選闕下杖八十帝出御文華殿聽之每一人行杖畢輒以數報杖折者三曳出已死帝怒猶未釋是夕不入大內速殿走製祭祀記一篇一夕殍成明旦分賜百官選出家人投良劑得甦帝竟削選籍

質實

張選字舜舉無錫人

方獻夫罷

獻夫好飾恬退名而屢為言官所劾中惡雖執大政氣厭厭不振又以帝恩威不測居職二載三疏引疾帝優詔許之初獻夫緣議禮進以司馬光與王莽同論為人所痛詆及與璵萼共事持論頗平恕以此人不甚惡之家居十年卒

六月南京太廟災

帝方欲更營太廟命夏言等相度規制會南京太廟災禮官請重建帝召言與羣臣集議言等言國有二廟始於漢惠寔非禮制子孫之身乃祖宗所依聖子神孫既親奉祀事於此則祖宗神靈自當陟降於此況京師宗廟行將復古而南京太廟遽羅回祿殆皇天列祖啓佑默相不可不靈承也今日正當專定廟議一以比北為根本南京原有奉先殿其朝夕香火宜合併供奉如常太廟遺址可做古壇墀壇意高築牆垣謹司啓閉以致尊嚴之意從之時帝雖循故事因廟災求直言然實喜言等緣飾之詞以災為幸而南京兵部主事劉世龍竟應陳三事一杜諂諛以正風俗天下風俗之不正由於人心之壞患得患失使然也今天下刻薄相尚變詐相高諂媚相師阿比相倚仕者日壞於上學者日壞於下彼倡此和靡然成

風惟陛下赫然矯正勿以詭隨阿比者為賢勿以正直骨鯁者為不肖勿以私好有所賞勿以私惡有所罰虛心以防邪佞謙受以來忠讜更敦大小臣工協恭圖治無權勢相軋朋黨相傾則風俗正矣二廣容納以開言路陛下臨御之初北顧敢諫之臣比先朝為或所言或傷於激切而放逐既久悔悟日深當宥其既往以次錄用死者則恤之仍令大小臣工直言時政以作忠義之氣三慎舉動以存大體立國者在敬大臣不遺故舊蓋任之既重則禮之宜優今或忽然去之忽然召之甚至嬰三木被箠楚何以勵臣節哉臣愚以為陛下歷試之餘其人果無足取則黜退之可矣如素行無缺偶以一時喜怒輒從而顛倒之陛下固付之無心而天下有以窺陛下也至如張延齡憑寵為非法難容假側聞長老之言孝宗時待之過厚遂釀今日之禍顧區區腐鼠何足深惜獨念孝廟在天之靈太皇后垂老之景乃至不能自庇其

骨肉於情忍乎恐陛下孝養兩宮亦不能不為一動心也頃者興作頻仍四方凋敝正時紐舉羸之會而南京太廟被災工役之急當無過此其他可緩者宜暫賜停罷此皆應天以實之道也疏入帝震怒謂世龍訕上庇逆械繫至京下詔獄質實劉世龍字元拷掠獄具復廷杖八十斤為民質實卿慈谿人

乙未十四年春正月罷督理倉場中官

初孫交為戶部尚書以監督倉場中官為數太多請盡去之并臨清淮徐諸倉一切勿遣帝罷撤其半餘仍如故至是監督中官王奉季慎互以奸賊訐奏下法司按問給事中管懷理因言倉場錢穀皆戶部事今參用內官惟肆貪饕於質實管懷理國計無補請悉撤回從之質實臨邑人

莊肅皇后夏氏崩

禮臣上喪儀帝曰嫂叔無服且兩宮在上朕當服青
臣民如母后禮夏言曰皇上以嫂叔絕服則羣臣不
敢素服見皇上請暫罷朝叅許之尋議諡張亨敬曰大
行皇后上嫂也與累朝元后異宜用二字或四字李
時曰宜用八左都御史王廷相吏部侍郎霍韜等曰
均帝后也何殊言集衆議因奏曰古人尚質諡法簡
稱其行後人增加臣子情也生今世宜行今制大行
皇后宜如列聖元后諡二四及八於禮無據帝不從
命再議羣臣請如乎敬言帝曰用六合陰數焉於是
上諡孝靜莊惠安肅溫誠順天偕聖毅皇后
敕曰孝靜皇后諡不脩不稱配武帝乃改諡
孝靜莊惠安肅溫誠順天偕聖毅皇后

二月作九廟

初洪武八年改建太廟為同堂異室之制成祖遷都
建廟如南京及帝更定廟祀銳意復古諭閣臣曰宗

廟之制父子兄弟同處一堂於禮非宜太宗以下宜
皆立專廟南向尚書夏言奏太廟兩傍隙地無幾宗
廟重事始謀宜慎未報中允廖道南言太宗以下宜
各建特廟於兩廡之地有都宮以統廟不必各為門
垣有夾室以藏主不必更為寢廟第使列聖各得全
其尊皇上躬行禮於太祖之廟餘遣親臣代獻如古
諸侯助祭之禮帝悅命會議言等言太廟地勢有限
恐不能容若小其規模又不合古禮且使各廟既成
陛下徧歷羣廟非獨筋力不逮日力亦有不給古者
宗伯代后獻之文謂在一廟中代后亞獻未聞以一
人而代主一廟之祭者也且古諸侯多同姓之臣今
陪祀執事者可擬古諸侯之助祭者乎先臣邱濬謂
宜間日祭一廟歷十四日而遍此蓋無所處而強為
之說耳若以九廟一堂燠於混同請以木為黃屋如
廟廷之制依廟數設之又設帷幄於其中庶得以展
尊尊之敬議上亦不報時十年冬十一月也十一年

春復命禮官會廷臣規度九廟之制議上未及行逮
南京太廟既災遂趣營新廟諸臣議於太廟南左為
三昭廟與文祖世室而四右為三穆廟虛其上以待
有功德之宗羣廟各深十六丈有奇而世室殿寢稍
崇縱橫深廣與羣廟等列廟總門與太廟戟門相
並列廟後垣與太廟祧廟後牆相並具圖進帝以世
室尚當隆異令再議言等請增拓世室前殿視羣廟
崇四尺有奇深廣半之寢殿視羣廟崇二尺有奇深
廣如之報可既又諭閣臣曰今擬建文祖廟為世室
則皇考世廟字當避張孚敬言世廟著明倫大典頒
詔四方不可改文世室宜稱太宗廟其餘羣廟不用
宗字用本廟號他日遞遷更牌額可也從之至是盡
撤故廟改建之諸廟各為都宮廟各有殿有寢太祖
廟寢後有祧廟奉祧主藏焉太廟門殿皆南向羣廟
門東西向內門殿寢皆南向明年十二月新廟成乃
奉安德懿熙仁四祖神主于祧廟太祖神主于太廟

太宗以下神主列於奉廟
廷臣稱賀遂詔赦天下

三月葬孝靜皇后

初葬於
康陵

遼東軍亂囚巡撫副都御史呂經

故市遼東諸衛所每軍一佐以條丁三每馬一絡牧
地五十畝經損餘丁之二編入均徭冊盡收牧地還
官衆已怨之至是經巡遼陽檄將吏增築邊牆將吏
承經意督役嚴急諸軍大衆羣擁詣經乞罷工及免
牧地租都指揮劉尚德叱之不退經怒呼左右榜訴
者衆益開爭起毆尚德及指揮李鉞經舍皇踰垣走匿
亂卒遂毀府門火均徭冊鳴鐘鼓糾衆驅逐人授之
械刃盡閉諸城門出故遊擊將軍高大恩於獄欲擁

以為主搜得經盡裂其衣冠幽之都司署時按察御史曹銳按金復聞變急檄副總兵李鑑撫諭亂卒凡經所摘置衆不便者悉罷之亂卒稍稍就約束城門始開高大恩自投于獄銳亦馳至遠陽分部諸亂卒令就伍初尚德等希經指激變而為亂卒乞原下都察院議都御史王廷相言往年大同叛卒戕害主將罪在不宥撫臣輒為請救蒼一時苟且之計今遠陽復抗軍令辱大臣竟置亂卒不問而盡劾諸將吏以誤之恐士氣益驕無以懲後詔下兵部再議皆是執言乃名經還朝以韓邦奇代之經既得報還入廣寧治裝都指揮袁璘者素諂事經悍卒于璽兒因聲言璘將剋詣軍草價為經飭裝具復相煽作亂出獄囚因有張孝兒者先以積惡為經摘發尤恨經率衆持挺突入署執經數之毀膚拔髮裸而置之獄縱火焚公署劫軍器庫分其黨為四部鳴鑼鼓竟日夜尋又反接經璘揚白幟標其姓名環遊城市孝兒且行且

批其煩窘辱備至仍繫之獄脅脅餉即中李欽昊發
帑給衆又脅願守太監王純總兵劉淮疏劾經璘罪
乞逮治於是禮部侍郎黃宗明言前遼陽之變固生
於有激近重賦苛徭悉已釐正寬然而起又誰激之
法不宜復赦請令新撫臣韓邦奇勸兵壓境揚聲討罪
取其首惡用振國威帝不聽竟從純淮請遣官校逮
經璘止邦奇毋行以山西巡撫都御史任洛撫遼東
而以邦奇代洛兵部尋遣大臣往勘帝命工部侍郎
林庭楫兼僉都御史以行是時撫順卒王經等亦突
入指揮劉雄署掠其囊篋縛雄父子置諸空館閉城
鐘鼓一如蠻兒等所為而官校逮經者至廣寧諸亂
卒疑其詐曰是偽為錦衣以脫經也並置諸獄總鎮
官論以禍福乃出官校以經付之銑具以其事聞然
官校被繫事疏中未之及也詔下庭楫并勘大理寺
丞林希元見朝廷專務姑息且知銑奏不盡實乃抗
疏曰自大同之變處之過寬故諸悍卒咸有輕侮心

一有觸發則據臂而起夫都御史天子重臣庸隸下卒敢執縛囚辱之是無朝廷也近聞所遣官校亦被日繫狂悖視大同尤甚本兵大臣因循不振致叛卒益無忌憚朝廷威令不行此不忠之大者也疏入上責希元妄言既而錦衣衛對狀亦諱言囚繫遂降希元外任然遼東亂卒雖得原聞度棉且至將捕首惡趙剗兒者實倡亂遂自懼潛詣廣寧與蠻兒合謀為逆劉淮偵知之不得遽還復結死囚王景等欲俟庭梟至閉城門舉兵反而銳已刺得二城父撫順為惡者姓名密授諸將剗兒等數十人同日捕獲銳以開乃召還庭棉命銳勘實悉斬諸首惡懸首

質實

金復謂全

州復州王注見前撫順千戶所明洪武二十一年置隸瀋陽中衛今麻地在前德縣東北曹銳字重江江都人李欽吳東安人任洛鈞州人林度棉字和瞻閭縣人

發明

嘉靖改元以來幾十有四年邊卒之亂疊告朝廷屢為由教而致尤者屢起姑息之不可

以靖亂明矣曾統撫之就伍不過一時權宜之策乃勅尚德等而置亂卒于不問猶是前此撫臣請教之見何兵部竟是其言而不從王廷相之議乎迨經入廣寧治裝諸軍復驚然以起黃宗明謂不宜再教請令新撫臣勒兵壓境討罪申威庶猶知所警惕而嘉靖反曲從純淮之奏逮治經璘是適以長奸人之智而勸以致尤也撫順之變所有來矣若林希元抗疏上言持論甚正而以妄言降誅則見廟堂之上意在模稜了事又何怪乎曾統之奏不以實哉

夏四月張孚敬罷

孚敬有病帝遣中官賜尋卒而與李時言頗及其執拗且不憚人材以叢怨孚敬聞之念前此三黜皆為

帝所薄遂屢疏乞骸骨許之明年復遣
官視疾趣入朝行至金華疾大作乃歸

名費宏復入閣

帝與李時言今內閣乏人復取費宏來何如時稱善
乃遣中官賁詔召宏凡還朝舊遇特厚數有咨問宏
亦竭誠無隱承應籌操切之
後易以寬和朝士皆慕樂之

秋八月詔九卿會推巡撫官

帝懲遼東之變欲慎簡撫臣賈宏
請會九卿推舉如京堂例從之

發明

國家推用人材固不能不資廷訪然會推流
弊無窮總不及朝廷簡用之公常況欲加之

重任則必當驗其政蹟覘所敷陳深信不疑而後
可委以封疆之責奈何托名推舉竟使九卿實擅

其權耶厥後嚴嵩當國部寺大僚莫不承其頤指
轉相推引于是直省巡撫如孟淮張雨之徒出嵩
門下者凡此皆是則植黨營私
之漸未必非此詔有以聞之耳

冬十月華蓋殿大學士費宏卒

帝深嗟悼贈卹有加贈太保謚文憲宏恭慎謙抑
明習國家故事持重得大體三入政府以功名終

御定資治通鑑綱目三編卷二十一

欽定四庫全書

御定資治通鑑綱目三編卷二十二

起丙申明世宗嘉靖十五年盡
癸卯明世宗嘉靖二十二年 凡八年

丙申十五年春正月以劉天和為兵部左侍郎總制三邊

兵車雖古制亦不過施于平原
彼此伎倆相等者耳後世地利不同用之即難
取效房瑄陳濟之敗已事可徵
至宋而李綱宗

先是濟農居套中西抵賀蘭山限以黃河不得渡用
牛皮為潭脫渡入山後諸達亦自豐州入套相率為
邊患總制唐龍用總兵官王效梁震數敗敵然蹂躪
迄無寧歲及是召龍入為刑部尚書以天和為兵部
左侍郎總制陝西三邊軍務天和赴鎮修戰具飭達
格築增城堡時兵車皆雙輪用二十人遇險即因又
行遲不適於用天和做前總兵秦紘雙輪車上置礮
槍弩戟前樹狻猊牌左右虎盾連二車蔽三四十人

澤間一議行卒
未收其實用況
負輸人挽運用
鈍遲欲以此挫
銳衝堅殆如兒
戲劉天和恃為
變通良法輒用
以練習過兵不
知一車之上而
擊戰牌盾錯置
離陳勢必艱重
難勝所謂適用
者安在況邊隅
攻戰全在精騎
摧鋒豈可轉以
連車碍其馳騁

一人晚之推且翼者各二人戰則護將士其中敵遠則施大花稍近發弓弩又近乃出短兵敵敗則騎兵追復襲隨兵小帳今士不露宿又毒弩矢修邊牆濠塹以為禦敵之備濟農十萬衆也賀蘭山復遣別部寇涼州副將王輔遠奪其森寇莊浪總兵官姜顛屢敗之進天和右都御史寇復大集兵將入犯天和策寇關西有條必東寇檄延綏副將白爵宵行與參將吳瑛合寇果東至黑河墩遇伏大創而去既又入蒺藜川爵尾擊之寇多死尋又為爵瑛所敗具分犯寧夏者亦為王效所破捷聞進天和左都御史已而濟農犯河西天和復禦却之進天和兵部尚書

質寶

黑河即古黑水在榆林府北晉書載記赫連勃於黑水之南營都城即此蒺藜川在陝西榆林

府葭州北三十里王效延綏人梁震新野人

書生迂拙之見
真不值一哂耳

二月振湖廣災

發湖廣省事例銀兩及
預備倉銀穀相兼振濟

三月帝奉章聖皇太后詣天壽山謁陵

免昌平今年稅糧三之二賜高年粟帛帝至沙河見
居民蕭條顧謂大學士李時等曰七陵在此宜加守
護時對曰昔邱濬建議京師當設四輔以臨清為南
昌平為北薊州保定為東西各兵一二萬今若於
昌平增一總兵可南衛京師北護陵寢帝乃
下廷臣勘議於沙河築華城為置戍焉
城在昌平州東南二十里地本名
沙河店今有同知及都司駐此

夏五月燬禁中佛殿

禁中大善佛殿元時所造藏金銀諸佛像及器物至是悉命燬之金銀佛像凡一百六十九座金銀函物凡萬三千餘斤以其地置太后宮

冬十月地震

京師及順天永平保定所屬州縣萬金都司各衛所地震有聲如雷詔修省

更定世廟為獻皇帝廟

先是帝諭禮部尚書夏言曰前以皇考廟比世宣之義名曰世廟今分建宗廟惟太宗世祭不遷而世之一字來世或用加宗統今加於考廟又不得世宗之稱徒擬虛名不如別議可會議以聞言等議未上帝復諭曰皇考廟名如題曰獻皇帝廟庶列宗稱且見推尊之意於是言等議廟以諡名既合周典又與列

聖廟號同符請勅所司擇
吉題額宣付文館從之

十一月設宣大總督

時宣大延寧皆有警以御史徐九臯明鰲言設宣大
總制官更名為總督陝西三邊總制亦更名總督

質實

徐九臯餘姚人
明鰲沅陵人

十二月以道士邵元節為禮部尚書

元節自嘉靖三年召入京師於便殿大加寵信俾專
司禱祠封真人總領道教班二品贈其父太常丞並
官其孫及曾孫至是以皇儲疊生
嘉其禱祠功拜尚書賜一品服

發明

皇初疊生何與祈禳乃歸功元節數晉階品
遂掌秩宗大寅清贊治典重明禮宜黃冠羽

沅所得厠乎其列無論若輩得志清假而干政營私乃勢所必至即儼然居尚書位復一品服更成何政體宋熈宗時林靈素有敕賜通真達靈之號綱目猶且書之視此為何如耶

閏月以禮部尚書夏言兼武英殿大學士預機務

言既以開敏結帝知又折節下士以是甚得公卿間聲譽帝制作禮樂多言為尚書時所議帝敏作詩輒賜言惠酬和勒石以進帝益喜奏對應制倚待立辨數召見諮政事善窺帝旨有所附會張孚敬方獻夫在政府知帝眷言厚亦不敢與較言由是氣遂驕言與南京禮部尚書霍韜以事相攻許軫竟不勝郎中張雲存李遂與小忤即奏請之皇太子生帝賜言甚渥初加太子太保進少保兼太子太傅至是遂入參機務言入閣李時雖為首輔政多自言出焉

質實

張元孝汝陽人李遂豐城人

丁酉十六年春正月詔右都御史毛伯溫討安南

先是正德中安南社堂燒香官陳萬詭稱前王陳氏後殺國王黎暲而自立暲臣莫登庸初附暲後於黎氏大臣阮宏裕等起兵討萬敗走死立暲兄子諱為王登庸握兵柄潛蓄異志黎氏舊臣鄭綏以諱徒擁虛位別立其族子酉榜登庸破綏捕殺酉榜益恃功驕恣旋逐諱諱奔清華登庸立庶弟應已復殺應篡其位不通朝貢者二十餘年至是以皇子生當頒詔安南禮官夏言言黎諱黎應均非黎暲應立之嫡莫登庸陳嵩俱彼國篡逆之臣宜暫停使命而遣官按問求罪人主名帝以安南叛逆昭然命言會兵部議征討戶部侍郎唐胄上疏力陳用兵七不可下兵部議會黎諱卒子寧遣使告難迄與問罪師夏言等請剋期徂征詔起伯溫于家命恭軍務以都督僉事江桓牛桓督軍討之兵部侍郎滿珍言安南不足置

郡縣其叛服無與中國用兵無計廣東巡按御史余
光亦言英之寨黎猶黎之寨陳不足深校但當罪其
不庭責以稱臣修貢不必遠征以疲中國帝怒褫珍
職奪光俸已而伯溫至京奏上方畧而帝意忽中變
命暫緩師會雲南巡撫汪文盛招納黎民舊臣得其
進兵地圖并獲登庸間諜及所撰偽大詔上之命仍
遵前詔征討至明年春文盛復以登庸降表至請宥
罪許貢下廷議僉言不可許乃趣伯溫啟行制甫下
兩廣總督侍郎張經以用兵方畧上具言須兵共三
十萬餉百六十萬石欽州知州林希元則極言登庸
易取狀請即日出師兵部尚書張璫不敢決復請廷
議議上無成策帝不懌讓璫師復止初帝以用兵事
重本無必討意特欲威服之故命下而罷者再至十
八年登庸屢表乞降意亦不欲因撫之再下廷臣議
勸撫之宜璫及廷臣請仍命伯溫南征如
登庸束手歸命無異心則待以不亢從之
質實
毛伯溫字

吉厲吉水人陳曷安南前後有兩陳高一在宣德時
黎利偽奉以降一即此黎暉一名滢自黎利後九傳
而至暉多行不義遂及於難唐宵字平侯瓊山人時
上疏曰今日之事若欲其修貢而已兵不必用官亦
無容遣若欲討之則有不可者七安南不征著在祖
訓一也太宗既滅黎季犛求陳氏後不得始郡縣之
後兵連不解仁廟每以為恨章皇帝成先志棄而不
守今日當率循二也外國分爭中國之福安南自五
代至元更八姓迭興迭廢而嶺南外警遂希今分爭
正不當問奈何殃赤子以威小醜割心腹以補四肢
無益有害三也若謂中國近境宜乘亂取之臣考馬
援南征深歷浪泊士卒死幾半所立銅柱為漢極
界乃近在今思明府耳先朝雖嘗平之然屢服屢叛
中國士馬物故者以數十萬計竭二十餘年之財力
僅得數十郡縣之虛名而止況又有征之不克如宋
太宗神宗元憲宗世祖朝故事耳此可為殷鑒四也

外邦入貢乃彼之利一則奉正朔以威其鄰一則通貿易以足其國故今雖兵亂尚系系奉表戕其方物歟闕求入守臣以姓名不符却之是彼欲貢不得非抗不貢也以此責詞不順五也興師則需餉今四川有採木之役貴州有凱口之師而兩廣積儲數十萬萬率耗於田州岑猛之役又大工頻興所在軍儲悉輸將作興師數十萬何以給之六也然臣所憂又不止此唐之衰也自明皇南詔之役宋之衰也自神宗伐遼之役今北敵強據我何套邊卒屢叛毀我藩籬北顧方殷更啟南征之議脫有不測誰任其咎七也錦衣武人聞於大體儻稍枉是非之實致彼不服反足損威即今按問得情伐之不可不伐不可進退無據何以為謀且今嚴兵待發之詔初下而征求騷擾之害已形是憂不在外而在印域中請停遣勘官罷一切征調疏入下兵部議請從之詔待勘官還更議珍字玉卿婺源人余光江寧人汪文盛字希周宗陽

人張經字廷葵侯官人
初冒蔡姓久之乃復

夏五月雷震謹身殿

雷震謹身殿鵠吻帝諭輔臣曰修省之宜如何於是
禮部奏言謹身殿即古露寢天子肅容之所也上天
示變於此為戒甚明請求刑政之所以失
者而改之以為消弭之實詔修省如創

秋八月遣官振湖廣災民

掌詹事府事禮部尚書顧鼎臣言今歲夏秋多雨京
城內外房舍傾圮軍民多壓死者又聞南北直隸山
東河南陝西江浙各被水災而湖廣尤甚衝沒城邑
人多漂溺幸而存者家產蕩盡勢必聚而為盜請敕
行優恤湖廣災沴重大仍宜遣大臣徧祀山川循行
郡縣振救安戢分遣有司掩骼埋胔詔從之尋詔順

天府亦命有司振濟至是年冬巡撫順天都御史光
以平等言順天永平二府災重乞動太倉銀二萬兩
及通倉米二萬石振濟
戶部議如所請從之
質實光以平
鈞州人

冬十一月故昌國公張鶴齡下獄死

奸人班期于雲鶴告張延齡兄弟扶左道咒詛逮鶴
齡下詔獄太后衣蔽襦席藁為請不得鶴齡瘦死獄
中

戊戌十七年夏四月振京城內外饑民

六月詔議明堂大饗禮下戶部侍郎唐胄于獄

初獻皇帝廟止舉時祀不祀太廟至是前揚州府同
知豐坊上言孝莫大于嚴父嚴父莫大于配天宜建

明堂尊皇考為宗以配上天又天下郡邑宜各立明
堂歲時祀拜君上以尊朝廷勿寄位釋宮褻體統下
禮部議尚書嚴嵩上言諸儒論禮不一臣惟明堂圜
丘皆以事天地今大祀殿在圜丘之北正應古之方
位明堂秋饗之禮即此可行不必更進至于侑饗之
禮傳以為萬物成形於秋故秋祀明堂以父配之自
漢武追唐宋諸君莫不皆然主親親也至于錢公輔
司馬光孫朴程朱諸賢所論主祖宗之功德今以功
德則宜配文皇以親則宜配獻皇帝按以嚴父之旨
以皇考而不得配陛下庸有弗寧矣至于稱宗之
禮則未有稱宗而不附太廟者臣不敢妄奏惟聖明
裁擇帝以示夏言言不敢議帝曰明堂秋饗宜於奉
天殿行之其配享皇考稱宗不為過情何在為不宜
也復命集議戶部侍郎唐胄疏爭之曰三代之禮莫
備於周孝經曰郊祀后稷以配天宗祀文王於明堂
以配上帝又曰嚴父莫大乎配天則周公其人也說

者謂周公。有聖人德制作禮樂。而文王適為其父。故引以證聖人之孝。答魯子之問而已。非謂有天下者皆必以父配天。然後為孝。即周公歸政之後。未聞成王以嚴父之故。廢文王配天之祭。而移于武王也。及康繼成。亦未聞以嚴父之故。廢文王配天之祭。而移於成王也。後世祀明堂。皆以配天。此乃誤識孝經之意。而違先王之禮。故有問於宋儒朱熹者。曰。周公之後。當以文王配耶。當以時王之父配耶。熹曰。祇當以文王為配。又問。繼周者。如何。熹曰。祇以有功之祖配之。後來第為嚴父說。所惑耳。由此觀之。明堂之配。不專於父。明矣。皇上嗣統之初。廷臣執為人後之說。於是力正大倫。惟張孚敬席書行諸臣及何淵有建廟之議。陛下嘉答之。臣亦云。朕奉天法祖。豈敢有干太廟。今日乃惑於豐坊之說乎。臣謂明堂之禮。誠不可廢。惟當奉太宗配於禮。為宜。若獻皇帝得聖人為之子。不得稱宗。議配而專廟之享。百世不遷矣。疏入上。

大怒下宵錦衣獄黜為民尚書嵩乃上言考秋饗成
物之旨嚴父配天之文皇考侑饗允合周道帝嘉納
之實實豐坊字存禮鄆人學士熙之子性狂誕熙既
卒家居貧乏思效張桂等以片言取通顯待
命久之無所進擢歸家悵
悵以死人咸惡其畔父云

秋七月開河南雲南銀礦

命開採雲南大理等府
河南宜陽等縣礦銀
實實宜陽漢縣後魏置宜陽
郡金復改宜陽縣今因
之

八月以禮部尚書顧鼎臣兼文淵閣大學士預機務

時李時為首輔夏言次之鼎臣又次之而言倚
帝眷專甚鼎臣素柔媚不敢與抗惟充位而已

九月尊獻皇帝廟號曰睿宗祔於太廟

先是帝命議稱宗祔廟之禮集文武大臣於東閣嚴
嵩與羣臣議沮之帝大不悅著明堂或問難嵩嵩惶
恐盡改前說條畫禮樂甚備且言古者父子異昭穆
兄弟同世次故殷有四君一世而同廟宋太祖太宗
同居昭位前事可擬今皇考與孝宗當同一廟奏上
羣臣無敢異議至是帝諭禮臣曰文皇帝與高帝同
創大業宜同稱祖號獻皇帝躬備大德延及朕躬宜
薦宗稱乃改太宗廟號為成祖尊獻皇帝廟號為睿
宗遂附睿宗主祔太廟躋武宗上復配享上帝於元
極寶殿至隆慶初禮科給事中王治上言獻皇帝雖
貴為天子之父實未嘗南臨天下而今乃與諸宗並
列雖親為武宗之叔父然嘗北面事武宗而今乃設
位於武宗之右揆之古典終為未合故先帝於獻皇
帝祔廟之後世廟之事猶不忘設是先帝之心亦有

不自安者臣以為獻皇帝祔太廟千萬歲後不免遽遷若專祀世廟則億世不改矣乞下廷臣議至求當以安獻皇帝之靈

賈寶

王治忻州人

章下所司格不行

發明

春秋書躋僖公左氏曰逆祀也胡氏傳申之曰兄弟之不失君臣禮也二傳詞異而義同

以臣躋君大逆之道也然僖嘗君臨魯邦矣若嘉靖以藩封繼統而本生考追號稱宗祔于太廟躋諸武宗之右則是以藩臣而加于天子之上悖亂不經又豈僅左氏所稱逆祀而已乎嵩陽明堂問難之威阿諛附會以成其謬徒使王治空言於隆慶之初吁亦可慨矣

冬十一月上皇天上帝大號

先是嚴嵩奏慶雲見請受羣臣朝賀又為慶雲賦及大禮告成頌上之帝悅命附文館至是帝以獻皇帝

既稱宗配帝乃躬詣南郊上皇天上帝大號恭進冊表禮成還詣太廟加上高皇帝高皇后尊號是日皇

后助行立獻禮文
武官命婦陪祀

發明

易傳曰帝者天之主宰蓋其尊不可以名號求也自宋徽宗政和六年上玉帝徽號說者

識其不經何嘉靖復蹈其轍哉且天即理也人君苟勵精出治憲天勤民則精誠上格何殷崇飾徽稱而嘉靖不務實政惟事虛無此崇飾之舉徒以供其青詞焚拜之為而非敬天之實意也

振武昌災

戶部言湖廣武昌府屬災傷請將京庫折銀停徵而以本年京庫折米銀及太和山香錢荆州抽分料銀

倉庫銀穀相

兼振濟從之

十二月章聖皇太后蔣氏崩

諡曰慈孝皇后先是帝營壽陵於太峪山及是太后崩將奉獻皇帝改葬焉命駙馬都尉崔元尚書張瑄等為奉迎禮儀使已帝親詣大峪相視復令議奉太后南詣合葬嚴嵩等言靈駕北來慈宮南詣共一舉耳如初議使帝意終未決因止元等母行而今指質揮趙俊南往啟視幽宮于是親幸承天之議起

寶大峪

平州西北

李時卒

自張孚敬謝政後時遂獨相性素寬平比居首揆益鎮以安靜雖無大匡救而議論恒本忠厚會夏言入輔時不與抗每事推讓言言亦安之帝待時不如孚敬言然頗少責辱恩禮亦始終不替及是卒贈太傅

謚文

康

己十八年春二月立子載廕為皇太子封載廕為裕王

載圳為景王

質實

載廕帝第二子載廕帝第三子即穆宗載圳帝第四子後之藩安陸

振遼東饑

遼東饑戶部請以本鎮採買銀一萬二千二百餘兩及舊振餘銀一萬六千三百餘兩振之報可并詔東遼等衛官賜給衣服各折銀有差

起翟鑒為兵部尚書行邊

翟鑾始藉中官
延譽驟得輔政
繼謀復召交結
閣臣其非端人
明矣夏言自命
抗直何亦瞻徇
私情共相援引
可見當時朋黨
之局牢不可破
言尚不免鼎臣
庸庸之輩夫復
何尤

先是鑾以憂歸閱久不召夏言顧鼎臣皆居政府鑾與謀召已及是帝將南巡慮塞上有警議遣重臣巡視言等因薦鑾充行邊使改兵部尚書兼右都御史
附循九邊文武將吏咸受節制齎幣金五十萬犒邊軍

以曾子裔孫質粹為世襲五經博士

顧鼎臣言孝宗時曾錄顏孟子孫各一人為五經博士以奉祀事惟曾孫之後闕焉疏下禮部議訪得質粹授為世襲翰林院五經博士
質粹 質粹字好古吉安永豐人曾子十六世孫其遠祖據者曾子十
四世孫也當新莽時不受偽命自武城徙廬陵吉陽鄉質粹其裔孫也

張孚敬卒

欽定四庫全書

乎敬剛明果敢不避嫌怨既遇主知亦時進諫言如
張廷齡之獄以乎敬力諍終昭聖太后世延齡得長
繫暨清敷戚莊田罷天下鎮守內城先後殆盡皆其
力也持身特廉痛惡賊吏一時苞苴路絕而性狼愎
報復相尋不護善類欲力破人臣私黨而已先
為黨魁大禮大獄叢詬沒世罷政凡五年乃卒

帝如承天謁顯陵夏四月還京師

趙俊自承天還言顯陵不吉帝欲親詣承天周閱卜
兆九卿大臣許讚呂柟等諫帝曰朕豈空行哉為吾
母耳乃命宣城伯衛鐔遂安伯陳璉及顧鼎臣等輔
太子居守遂如承天夏言嚴嵩等虐從三月至承天
謁顯陵命作新宮曰待合葬也越三日享上帝於龍
飛殿奉睿宗配秩於國社國稷編羣祀又三日御龍
飛殿受賀詔赦天下給復承天三年免湖廣明年田
賦之二畿內河南三之一歸過免母墓從臣請致

祭帝曰帝堯父母異陵可徵合葬非古既至京復入大峪審視曰大峪不如純德卒定南柩之議先是帝行次銜輝夜四鼓行宮火從官倉猝不知帝所在陸炳排闥負帝出帝自是爰幸炳炳母帝乳媪也及謁陵畢嚴嵩請表賀夏言請俟還京報罷帝大不懌嵩知帝指固以請帝乃曰禮樂自天子出可也今表賀帝自是質實堯母墓在望都縣城南望都漢置縣不悅言質實明曰慶都今仍改望都屬保定府純德本松林山在鍾祥縣東北以顯陵所在故改名許瓚字廷美靈寶人進之子銜錡華亭人額之孫陳總巴人志三世孫也

山西地震

山西聞喜安邑平陸猗氏夏縣
各地震有聲如雷越二日復震
質實聞喜春秋時晉曲沃地漢武帝

經此間破南粵因置閩喜縣明屬解州今屬絳州平
陸春秋時虞國地後為晉地後周置河北縣唐天寶
初因開漕潰得古刀篆文曰平陸遂改今名明屬解
州今因之夏縣後周置縣明屬蒲州今屬蒲州府

彗星見

芒長三尺許光指東南掃
軒轅北地八星旬日始出

五月夏言罷尋諭留之

翊國公郭勛得韋言言寵嚴嵩亦心妬言遂相與構
之會帝自承天還復幸太峪山言進居守校稍遲帝
大怒責言怠慢不恭命還前賜銀章并累所降手勅
言惶懼謝罪免追銀章手勅為子孫百世榮其詞甚
哀帝怒不已疑言毀損令禮部追取削言勲階令致
仕言乃以手勅四百餘并銀章上之居數日帝怒解

命止行復諭入直言疏謝帝悅諭令勵初忠秉公持正免衆怨言心知所云衆怨者勳輩也再疏謂自處不敢後他人一志孤立為衆所忌帝復不悅詰責之惶恐謝乃已未幾以所追銀章手勅還之實實命還前賜銀章削勳階按明史夏言傳先是帝賜夏言銀章一俾密封言事文曰學博才優及是追還之言以祇薦皇天上帝冊表加少師特進光祿大夫上柱國明世人臣無有加上柱國者言所自擬也至是追削之也

復以梁材為戶部尚書

材初長戶部力祛宿弊以忤權貴失帝眷以右侍郎閑住及尚書李廷相罷帝念材廉廷臣亦多薦之者召復原官材三掌國計砥節守公如一日帝眷亦甚厚是秋考察京官特命監之又命兼掌刑部事帝嘗

曰尚書得如材者十
二人無憂天下矣

質實

梁材字大用南
京金吾右衛人

六月雷震奉先殿

雷震奉先殿左吻及東室門楹同時皇城北鼓樓燬
詔諸司修省廷臣條時政得失都御史王廷相應詔
自陳曰人事得而後天道順大臣法而後小臣廉今
庶隅不飭賄賂公行大小效尤內外征利每遇一官
有缺必有數人競爭要路權門終日十至且都御史
職在糾察百僚振肅風紀臣叨茲任不能正身格物
使弊絕風清復不能抗疏論列乞賜罷黜以儆有
位廷相疏意蓋斥嚴嵩張瓚輩也帝但諭留而已

秋閏七月葬慈孝皇后于顯陵

河南饑命戶部侍郎王杲振之

時河南災甚巡撫胡績宗奏乞遣大臣貴帑往賑帝
白地方災重亟推素有才識者往彼設法振之乃命
果往果上言救荒當如救焚今河南災甚奏報死亡
已十萬有餘其存者旦夕冀得升合以延殘喘彼處
倉庫所貯錢穀未必足用待其查勘請發文移往返
動淹累旬未免坐視民斃乞先發內帑銀十萬會同
撫按官分行賑濟章下戶部議而戶科給事中郭鑒
等亦已為言詔發臨清倉糧價銀五萬兩貴往果至
河南復奏言河南民饑甚所賣去銀僅可支兩月之
用來春青黃未接勢難坐視必復得銀十五萬兩有
奇乃可戶部發德州倉銀五萬二千七百餘兩及河
南布政司庫解京銀并開封府河道贓罰銀八萬兩
與之詔
質實
王果字景和汶上人胡績宗陝
西恭安人郭鑒山西高平人

庚子十九年春正月翟鑾還京復入閣

鑾之行邊也諸逸文武大吏俱橐鞬郊迎惟恐不得當鑾意饋遺不貲既事竣歸裝千輛用遺貴近遂命

以原官

入閣

二月振河南湖廣災

督理顯陵工程工部右侍郎顧璘言河南湖廣旱災會顯陵興工饑民皆赴工就食至是工畢民失所不振將有嘯聚之患請量留二省無災府縣兌運正糧濟之戶部議覆查所司貯庫銀兩易本色以備振恤其兌運正糧許量折每石七錢湖廣清軍御史姚虞因上流民圖言承天工所流民宜振恤詔璘氏會同撫按等官設法振濟務使流亡復業

質實

顧璘字華玉吳縣人姚虞蒲田人

夏五月詔勲戚子弟入監肄業

司業王同祖言世祿之家鮮克由禮失教故也請敕兩京公侯伯子弟凡未仕者悉入成均供學有可觀奏請叙蔭不率者糾治從之尋命已任事者亦送監肄業于是少年勲戚爭以入學為榮矣

質寶

王同祖字繩武崑山人

六月增設鎮守江淮總兵官

先是江洋盜發夏言為兵科給事中奏請專設鎮守江淮總兵官督兵勦捕未幾賊平兵部奏革以其重任仍歸操江武臣如故凡浙江糧運自蘇州常州襄河取道者由鎮江京口開抵儀真其開土疎易淤府縣必歲時修治然糧運無阻是年京口開淤阻漕運咸多撥民船多為海口所掠甚至執戮官吏南京兵科給事中楊雷以其事聞下兵部以設官本未查覆因請設總兵官給以旗牌敕符俾駐劄鎮江提督沿

江上下兵防西自九江安慶東及淮揚蘇常諸郡凡備陞守備衛所及有司巡捕官悉受節制從之已而金山儀真守備官各加以將領之號分令江南江北地方凡衛所掌印巡捕諸官悉令服屬

質質

楊雷吳縣人

秋七月振江西災

江西南昌等府水災詔以新建等縣兌運正米內量改折色十一萬石併留派剡南糧四萬石以備振濟

八月殺太僕楊最

時帝好神仙給事中顧存仁高金王納言皆以直諫得罪會方士段朝用以所煉白金器百餘因郭勛以進云以盛飲食物供齋醮即神仙可致也帝立召與語大悅朝用言帝深居無與外人接則黃金可成不

段朝用以神仙服食之說僞聽希榮實踵五利文成故智至勸

其深居無接外人則又呂用之
所以欺高駢者其情益不可測
嘉靖受其惑遂欲少假靜承
不念天位凝承乃欲如方士導
引延年自比于深山修煉之舉
其愚已甚且太子無端監國尤
駭聽聞而一二年脫展朝綱更
復成何景象其議雖旋罷而以

死藥可得帝並悅諭廷臣今太子監國朕少暇一二年親政如初舉朝愕不敢言最抗疏諫曰陛下春秋方壯乃聖諭及此不過欲服食求神仙耳大神仙乃山棲溪鍊者所為豈有高居黃屋紫闥衮衣玉食而能白日升舉者臣雖至愚不敢奉詔帝大怒立下詔獄杖殺之監國議亦罷明年朝用伏誅隆慶中贈最副都御史
質實
場宸字殿之射洪人顧存仁字伯綱諡忠節
太倉人高金石州人王納言信陽人

九月劉天和敗濟農於黑水苑斬其子錫沙王

濟農連年入寇邊將禦之屢被殺傷是年七月寇萬全右衛總兵官白爵逆戰再敗之至是復入固原剽掠且壓會涇潦弓矢盡服無鬪志而諸將多畏縮天和斬指揮二人召故總兵官周尚文激令立功會陝西總兵官魏時督兵分道邀之至黑水苑尚文盡銳奮擊之自己至申凡三勝負戰未決濟農子錫沙王

此竟殺直臣而不知其過舉實可嘆鄙耳

驍果而輕率其勛卒三十餘人馳衝營中堅尚文擊斬之寇遁走寧夏巡撫楊守禮總兵任傑等復邀擊于鉄柱泉敗之進天和南京戶部尚書
以守禮總督軍務尚文復都督同知
質實萬全右衛洪武
二十六年置與左衛同城屬山西行都司固原州本固原守禦千戶所弘治十五年置州屬平涼府黑水苑在固原州西鉄柱泉在靈州花馬池西南有泉百步明嘉靖十五年劉天和改築舊堡設兵戍守周尚文字顏章西安後衛人
楊守禮字秉節蒲州人

冬十月顧鼎臣卒

鼎臣居政府謹事夏言不能有為及是卒

辛丑

二十年春二月下監察御史楊爵于獄

時帝經年不視朝日事齋醮工作煩興歲頻旱元日
微雪夏言嚴嵩作頌稱賀爵撫膺太息上疏曰今天
下大勢如人衰病已極腹心百骸莫不受患即欲拯
之無措手地方且奔競成俗賕賂公行遇災變而不
憂非祥瑞而稱賀諂諂面諛流為欺罔士風人心頽
壞極矣諍臣拂士日益遠而快情恣意之事無敢齟
齬于其間此天下大憂也去年自夏入秋恒暘不雨
畿輔千里而無秋禾既而一冬無雪元日微雪即止
民失所望憂旱之心遠近相同此正撤樂減膳憂懼
不寧之時而輔臣言等方以為符瑞而稱頌之欺天
欺人不已甚乎竊國公勛中外皆知為大奸大蠹陛
下寵之使稔惡肆毒羣狡趨附善類退處此任用匪
人足以失人心而致危亂者一也臣巡視南城一月
中凍餒死八十人五城共計未知有幾孰非陛下赤
子欲延須臾之生而不能而土木之功十年未止工
部屬官增設至數十員又遣官遠修雷壇以一方士

之故股民膏血而不知恤是豈不可以已乎況今頻年災沴上下交空尚不可勞民糜費結怨天下哉此與頻作不已足以失人心而致危亂者二也陛下即位之初勵精有為嘗以敬一箴頒示天下矣乃數年以來朝御希簡經筵曠廢大小臣庶朝參辭謝未得一睹聖容數陳復逆未得一聆天語恐人心日益怠偷中外日益渙散非隆古君臣都俞吁咈協恭圖治之氣象也此朝講不親足以失人心而致危亂者三也左道惑衆聖王必誅今異言異服列于朝苑金紫赤紱賞及方外夫保傅之職坐而論道今舉而卑之竒邪之徒流品之亂莫以加矣陛下誠與公卿賢士日論治道則心正身修天地鬼神莫不祐享安用此妖誕邪妄之術列諸清禁為聖躬累也臣聞上之所好下必有甚近者妖盜繁興誅之不息風聲所及人起果議貽四方之笑取百世之譏非細故也此信用方術足以失人心而致危亂者四也陛下臨御之初延訪

忠謀虛懷納諫一時臣工言過激切多有獲罪自此
以來臣下震於天威懷危慮禍未聞復有犯顏直諫
以為沃心助者往歲太僕卿楊最出言而身殞近日
贊善羅洪先等皆以言罷斥國體治道所損甚多臣
為最等惜也古今有國家者未有不以任德而興拒
諫而亡忠蓋社口則讒諛交進安危休戚無由得聞
此阻隘言路足以失人心而致危亂者五也望陛下
念祖宗創業之艱難思今日守成為不易覽臣所奏
賜之施行宗社幸甚帝震怒立下詔獄擄掠血肉狼
籍闕以五木死一夕復甦所司請送法司問罪帝不
許命嚴銅之獄卒以帝意不測屏其家人不納飲食
屢濱於死處之泰然既而主事周天佑御史浦鉉俱
以救爵先後獲罪死獄
質實 楊爵字伯珍富平人周天
中自是無敢救者 佐字子弼晉江人時上疏
言國家置言官以言為職爵繫獄數月聖怒彌甚一
則曰小人二則曰罪人夫以盡言直諫為小人則為

緘默逆迎之君子不難以東直納忠為罪人又孰不
能為容悅將順之功臣哉爵身非木石命且不測萬
一盪先朝露使諍士飲恨直士寒心損聖德不細帝
覽奏大怒杖之六十詔下獄天佐與爵無生平交入
獄時第隔扉相訊而已比三日天佐不勝楚遂死屍
出獄大興民有祭而哭之恟者或問之曰吾哀其忠
之至而死之酷也浦鉉字汝器文登人時出按陝西
上疏曰天下治亂在言路通塞言路通則忠諫進而
化理成言路塞則奸諛恣而治道舉御史爵以言事
下獄幽囚已久臣行部富平皆言爵慤誠孚鄉里孝
友式風俗且爵本以論郭勛獲罪今勛奸大露陛下
業致之理則爵前言非妄望賜矜釋疏入帝大怒趣
緹騎逮之泰氏遠近奔送舍車下者常萬人皆號哭
曰願還我使君鉉赴微業已病既至下詔獄榜掠脩
至除日後杖之百錮以鐵押爵迎哭之鉉息已絕徐
張曰曰此吾職也子無然後數日卒隆慶初天佐贈

光祿卿鉉贈
光祿少卿

夏四月置安南都統使司

先是咸寧侯仇鸞兵部尚書毛伯溫奉命議討安南
至廣西徵集兩廣福建湖廣狼士官兵并檄雲南守
臣及諸司集議分止兵為三哨分奇兵為二哨分烏
雷山等處兵為海哨又將雲南別集之兵分三哨與
黔國公沐朝輔安遠侯柳旬提督軍務侍郎張經巡
撫都御史汪文盛等部署已定乃馳檄安南臣民諭
以朝廷興滅繼絕意討罪止于莫登庸父子有能舉
舉郡縣來降者即以其郡縣授之擒斬莫登庸父子
來降者賞二萬金官顯秩中告再三又諭登庸父子
果能束身歸罪盡籍其土地人民納款聽命亦待以
不死伯溫等駐師近邊登庸聞之懼遣使詣軍門乞
降詞頗卑切伯溫等承制許之時登庸子方瀛已死

乃留孫福海守國登庸與姪文明并西首阮如桂等
四十餘人又鎮南關各尺組繫頸徒跣而前稽首上
降表復詣軍門再拜盡藉國中土地軍民職官悉聽
處分于是伯溫等宣諭朝廷威德暫令歸國候命伯
溫乃與諸守臣會疏言安南畏威束身歸罪其黎寧
自稱黎氏之後譜系不詳無以為據乞宥納登庸削
故爵量授新秩疏聞帝大喜詔改安南國為安南都
統使司授登庸都統使秩從二品銀印舊所僭擬制
度悉除去改其十三道為十三宣撫司各設宣撫同
知副使僉事聽都統統轄仍三歲一貢以為常并令
叢黎寧真偽如果黎氏後劃所據四府俾奉其祀
事否則已之伯溫受命歲餘不發一矢而安南定
實 烏雷山在廣東欽州西南大海中為入安南要道
唐置烏雷縣以山得名鎮南關在廣西太平府憑
祥州西南左右石山高插雲表設關建城為安南入
貢之道宋朝輔西平侯英七世孫柳甸安遠侯景之

子

九廟災

辛酉薄暮雨雹風建大作入夜火從仁宗廟起延燒成祖廟及太廟羣廟一時俱燼惟睿宗廟獨存成祖仁宗二廟帝后神主俱燬

五月以兵部侍郎王以旂總理河漕

時黃河南徙決野難岡由渦河經亳州入淮舊決口俱塞徐呂二洪竭漕舟膠總河郭持平久治不效乃命以旂督理以旂至上言國初漕河惟通諸泉及汶泗黃河勢猛水濁遷徙不常故徐州貞白昂劉大夏力排之不資以濟運也今幸黃河南徙諸閘復舊宜濬山東諸泉入野難岡新開河道以濟徐呂而築長

欽定四庫全書

卷二十二

堤沛縣以南聚水如閘河制務利漕運而已明年春
持平請濬孫繼口等處使東由蕭碭入徐濟運其秋
從以旂言于孫繼口外別開一渠洩水以濟徐呂
凡八月三口工成以旂持平皆被獎邊召以旂還質
實野雞岡在歸德府睢州北孫繼口在河南睢州考
成縣嘉靖十八年正月河道都御史胡纘宗疏言
新口孫繼口孫祿口各黃河支流一以分殺上源歸
睢二處水患一以灌下流徐呂二洪以濟官漕請于
孫繼口至孫祿口另築長堤可免衝決散漫之虞而
黃河安流二洪順受運道可無患矣從之碭山蔡碭
縣後漢碭山明屬徐州今屬徐州府王以
旂字士招江寧人郭持平字守衡萬安人

振遼東錢

以遼東饑詔發太倉
庫銀五萬兩往振

六月振畿內山西饑

以順天府所屬州縣災傷詔免稅糧有差仍發太倉銀二萬兩通倉米二萬石及各州縣預備倉糧銀相兼振濟復出太倉米一萬石減價發糶以平米價又以永平大饑發太倉庫銀六千兩通倉米六千石振之是時山西撫按官亦奏災傷重大請發本省預備倉糧并貯庫銀錢振濟仍乞蠲免夏稅如例俱從之

秋七月振山東災

以山東災傷免濟南等六府所屬州縣稅糧有差復留德州臨清二麥小麥各二萬石于山東布政使及勦支倉庫錢糧相兼振濟

八月昭聖皇太后張氏崩

謚孝康
皇后

夏言罷九月郭勛以罪下獄冬十月言復入閣

郭勛樂恣妄行
稔惡已久言官
豈無見聞何前
此喋無一語及
揣知勛之主眷
潛移即爾紛紛
補牘陽博不畏
彊禦之名而陰
行撓篡取巧之
術明代諫垣雖
有實出僥倖者
而似此猥鄙者

言勛交惡日甚九廟災言方以疾在告自陳乞罪不
允昭聖太后崩詔問太子服制言報疏有謬字帝切
責言言謝過且乞還家治疾帝益怒令致仕及將出
都詣西苑齋宮叩首謝帝憐之俾還私第治疾俟後
命時勛以給事中戚賢等劾其擅作威福網利雲民
亦引疾在告京山侯崔元新有寵直內苑忘勛容從
容問元言勛皆朕股肱相姑何也元不對帝問言歸
時曰俟聖誕後乃敢請又問勛何疾曰勛無疾言歸
即出耳帝領之言官知帝春言惡勛因共劾勛先是
帝給勛勅與兵部尚書王廷相等同清軍役勛久不
領言官劾之勛疏辨有何必更勞勸語帝怒責勛
許設無人臣禮給事中高時因盡發勛貪縱不法之

正復不少

十數事遂下勅歸衣獄復詔言入直方言在告時聞
事多取裁決及治勅獄排根批祇悉其指授朝士方
悉勸不以咎言也勸下獄後帝念其曾贊大禮諭鎮
撫司勿加刑訊奏上勸罪斬決帝以奏當不明令法
司復勘法司更當勸不軌罪斬沒入妻孥田宅奏上
留中不下帝意本欲寬勸屢示意指而廷臣悉勸謬
為不喻指者更坐重質實戚賢字秀夫全椒
辟久之勸竟死獄中質實人高時臨安人

賑山西災

以山西連被虜患詔復徭役二年仍發質實張漢鍾
帑銀六萬兩遣戶部侍郎張漢往賑之質實祥人

十一月葬孝康皇后

壬寅二十一年夏六月諡達冠山西

先是諸達遣使致大同詔却之諸達與濟農遂分道入犯及是復遣使求貢大同巡撫龍大有誘縛之詭言用計擒獲詔磔于市敵怒入掠朔州抵廣武由太原南下欲犯平陽澤潞山西撫按官請發京兵赴援帝以京兵未可輕動下部議部言既下平陽則省城固已解嚴各路阻隔官兵亦隨至矣請將見在主客官兵摘發二枝專守省城以固根本至于賊入平陽蓋有三路中由靈石冷泉口趨霍州以入東由介休趨沁州經岳陽浮山以入西由石州趨隰吉石樓等處以入竊計靈石天險勢難突至其中郭家溝韓信嶺四三百里險甚分兵伺之虜可圖也或由澤潞衝突太行越入懷慶北去臨清真定僅數百里宜令諸路守臣伏兵堵截使虜不得過太行乃為無虞蓋潞安黎城等處與河南武安接壤一下武安則地曠難守河南山東北直隸一帶俱為可慮也或知有備不至又將由隰州入石州趨偏頭寧武亦宜備之諸賞

格宜各榜諭以勵人心會廷經巡撫都御史萬潮奏
表項得降者言虜謀不獨寇山西直欲趨盧溝橋以
窺京師兵部言都城備豫久矣倘盧溝橋有警不得
不調援宣衛帝命宣衛兵馬除復援別鎮外餘即整
擲以待兵部言虜見在山西勢甚猖獗各鎮守營官軍固
無總督大臣調度未免各分彼此不肯戮力往年遼東兩
廣河套有變俱用總督專征戎事有賴近雖奉旨裁革但
今日邊事方殷事權不一乞勅吏部會同府部九卿科道
推舉在廷大臣忠誠有將畧者復令為總督則節制歸一
而虜患可無虞矣帝乃命翟鵬復任巡撫已而敵寇潞安
大掠沁汾襄垣長子祈縣等處參將張世忠等戰死敵遂
從忻崞而北出雁門故道而去未幾濟農死其子朗台吉
等散處河西勢分諸

達獨盛歲數擾邊

質實

廣武泰雁門郡明為代州屬太原府今代州為直隸州靈石漢

介休縣地隋開皇中置靈石縣明屬霍州今因之冷泉
鎮名在縣北四十里有泉北流入汾霍州春秋時霍國

隋置霍山郡今置霍州明初以州治霍邑縣省入屬平陽府今為直隸州沁州秦漢皆上黨郡地唐為沁州明為直隸州岳陽縣隋為岳陽縣明屬平陽府浮山唐置縣明屬平陽府石州戰國時趙離石邑後周改為石州明洪武中以州治離石縣省入仍曰石州屬太原府萬曆二十三年改為永寧州屬汾州府今並因之隰州古蒲城隋置隰州明屬平陽府今直隸吉州自古屈邑宋元祐初置吉鄉軍金改吉州明屬平陽府石樓漢西河郡地名隋置石樓縣明屬汾州府今並因之郭家溝在靈石縣南二十五里兩山高峙中界深溝霍州志靈石與霍隔百里有關曰天險即此韓信嶺亦名馬壁嶺在靈石縣東南二十五里此與雀鼠谷接最為險固黎城古黎侯國隋置黎城縣明屬沁安府武安漢縣明屬彰德府今並因之寧漢樓煩縣地唐末置寧武軍後廢明景泰元年置寧武關孝宗十六年置寧府本朝雍正三年

夏言經國不如
寇準而疎脫畧
相似其援引嚴
蒿亦猶準之遇
丁謂卒致為所
擠陷情事復同

年升縣為寧武府治襄垣奉縣明屬潞安府長子古
長子邑漢置縣明屬潞安府祁縣春秋時晉大夫祁
奚邑漢置祁縣明屬太原府今並因之龍大有茶陵
州人翟鵬字志南撫寧衛人 郎台吉舊作狼台吉
改今

秋七月己酉朔日有食之

夏言罷八月以禮部尚書嚴嵩兼武英殿大學士預機
務

言與嵩同鄉科第後于嵩稱晚進以議禮驟貴嵩謹
事務言不為下及言入閣援嵩自代以門客畜之嵩
恨甚常置酒邀言躬詣其第言辭不見嵩布席夜所
具啓跪讀言謂嵩實下已不疑也言既失帝意懼斥

小人反噬固不足道然謂之姦狡易見嵩之素和難窺且準僅以拂鬚微詞成隙而言再相後至以威氣凌嵩畜若奴隸無怪得禍之更烈也

呼嵩與謀嵩已潛造問仲文茅謀跣言代其位言知甚愠囑所善者勸嵩時帝已心愛嵩攻益力帝憐之不聽也兩人遂大陳嵩因燕見頗首而泣懇言見凌狀帝悉使陳言罪嵩因振暴其短帝大怒手勅禮部歷數言罪且曰郭勛已下獄猶千羅百織言官為朝廷耳目專聽言主使朕不早朝言亦不入閣軍國重事取裁私家王言要秘視為戲玩言官不一言徒欺謗君上致神鬼怒兩甚傷未言大懼請罪居十餘日乞骸骨語相良疏留八日會七月朔日食既下手詔曰食過分正坐下慢上之咎其落言職聞往先是言再罷宰相帝雖優禮然恩眷已不及初帝在西苑齋居許入直諸貴人得乘馬言獨用小腰輿以乘帝恠之未言會帝以奉道不御翼善冠而御香葉冠命尚方倣之製沈水香為五冠以賜言及嵩等言以非人臣法服不奉詔帝怒甚嵩于召對日故冠香葉而龍輦紗于外今上見之帝益內親嵩而欲去言嵩因傾

之言既去醜祀青詞非嵩無當帝意者遂代言入閣
嵩時年六十有餘不異少壯朝夕直西苑板房未嘗
一歸洗沐帝謂其勤益信之嵩無他才畧惟一意媚
上竊權罔利帝英察自信果刑戮頗嚴已短嵩以故
得因事激帝怒戕害人以成質實陶仲文方士初名
其私誅斥者不可勝計云典真黃岡人明史
與服志皇帝常服冠以烏紗
冒之折角向上名翼善冠

九月作雷壇錮工部員外郎劉魁于獄

帝用陶仲文言建雷壇于太液池西所司希帝意務
宏侈程工峻急魁欲諫度必得重禍先命家人鬻棺
以待遂上章頃營大享殿大高元殿諸工尚未告峻
內帑所積幾何歲入幾何一役之費動至億萬土木
衣文繡匠作玼朱紫道流所居擬于宮禁園用已耗
民力已竭而復為不經之事非所以示天下此後世

帝震怒杖于廷錮之詔獄

質實

劉魁字煥吾泰和人

冬十月宮婢楊金英等謀逆伏誅殺端妃曹氏

金英謀逆一事嘉靖既宿曹妃宮則妃自不得辭不謹之愆若竟謂其與婢同謀則無此情理蓋金英即肆兇謀勢必慮人間見彼走告者烏從遽知且其人亦必同僚曹妃宮妃當此危懸呼吸救難刻遲乃不近白妃而

帝宿端妃曹氏宮宮婢楊金英等伺帝熟寢以組縊帝項誤為死結得不絕有張金蓮者知事不就走告皇后后馳至解組帝得甦后命內監張佐等捕宮人難治言王寧嬪寔首謀又言端妃亦與知時帝病悖不能言后傳旨收端妃寧嬪及金英等同謀者不分首從悉磔于市仍剖屍梟示并收斬其族屬十人餘給付功臣家為奴時諸婢為謀已久帝幾危中外震惶次日午始知帝無恙羣心乃定久之帝始知端妃冤

癸卯

二十二年春正月丙午朔日有食之

遠白后其為攝
陷顯然方后復
乘嘉靖疾憐之
時輒收妃嬪與
逆婢駢誅滅口
謂非后之妬害
其誰信之然其
致大變則由嘉
靖不德明祚將
傾故亡徵先見
耳

夏四月福建福州興化泉州漳州四府地震

六月議冗員

吏部以奉詔裁革冗員奏言各衙門官原係額設及
隨事添設各有職掌者俱應存留其添設官屬戶工
二部欽天監太醫院為多但今疆陲多事廟工甫興
戶工二部難裁革欽天監太醫院當咨行禮部考選
去留南京併在外應裁官員行南京吏部及各省撫
按官會議具奏詔從之仍令查各衙門添注官現在
員數以聞已而吏部查戶工二部太常太僕鴻臚寺
尚寶寺中書科順天府上林苑監制誥房文華殿
武英殿辦事各添注官員具名數疏以進帝曰各官
既有添注每遇實缺仍乃不行填補却往往別推以
致冗食者多自今內外官遇有實缺
即以添注者補之違者即時糾舉

秋九月逮巡按山東御史葉經杖殺之

嚴嵩與經有宿憾及是經按山東監鄉試試錄上嵩指發策語為誹謗激帝怒下禮部參論尚書張壁等阿旨請逮考試官周鏗等調布政使陳儒及經等并治嵩密言試事盡由御史帝乃降旨斥文中語為狂悖經杖八十為民創重卒鑣儒等謫官嵩惜事殺異己者自經始也先是嵩相甫踰月御史謝瑜即劾之以之四凶請急誅斥帝雖誥讓瑜然未深罪嵩亦以得政未敢顯為擠陷故瑜得居職如故及經杖斥嵩益肆志報復其後以大計嵩囑主者黜瑜遂除名于是給事中王鏊沈良材陳瑄御史俞時陳紹及山西巡撫童漢臣福建巡按何維栢等相繼得罪皆並瑜劾嵩者也

賈實
葉經字叔明上虞人由常州推官擢為御史嵩官禮部時以秦晉二藩宗人襲封事受重賄經指其事劾嵩嵩懼甚力彌縫得免故恨經

報復焉隆慶初贈經先祿少卿張璧字崇象石首人
陳儒崑山人謝瑜字如卿上虞人王鰓字韜孟金壇
人沈良材泰州人陳璵餘姚人喻時光山人陳紹
上虞人童漢臣錢塘人何維柏字喬仲南海人

發明

初經以秦晉二藩賄事勦嵩嵩疏辨遂付襲
爵事于廷議而置嵩不問朝廷固已失刑矣

越二年嵩遂得挾宿憾害經其為報復情跡顯然
乃嘉靖不知致嵩由此得以盡鋤其異己之人殘
壽忠良實由經始姑之初六曰羸豕孚蹢躅程傳
謂羸弱之豕其中心在乎蹢躅雖陰微在下而有
漸威害陽之象焉嵩之殺經
殆將嘗試其蹢躅之技乎

冬十月朶顏入寇

攻圍慕田峪殺守備陳舜副
總兵王繼祖等往援乃退


賁實

慕田峪在昌平
州北有關口

十一月以嚴寒賑貧民

御史何贊言京師苦寒小民凍餒枕藉亡多方賑救併行江北諸郡加惠以廣德意帝曰今歲嚴寒困窮

可憫亟行實實何贊黃一體賑之嚴人



御定資治通鑑綱目三編卷二十二